

ЎЗБЕКИСТОН РЕСПУБЛИКАСИ
ҚОНУН ҲУЖЖАТЛАРИ
ТЎПЛАМИ

24-сон
(108)
2004 й.
июнь

Ўзбекистон Республикаси Қонун ҳужжатлари тўплами беш бўлимдан иборат:

тўпلامнинг биринчи бўлимида Ўзбекистон Республикаси қонунлари ва Олий Мажлиснинг қарорлари эълон қилинади;

иккинчи бўлимда Ўзбекистон Республикаси Президентининг фармон ва фармойишлари эълон қилинади;

учинчи бўлимда Вазирлар Маҳкамасининг қарор ва фармойишлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

тўпلامнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуққий ҳужжатлари эълон қилинади.

МУНДАРИЖА

Учинчи бўлим

272. «Ўзбекистон матбуот ва ахборот агентлиги фаолиятини янада такомиллаштириш тўғрисида» Ўзбекистон Республикаси Вазирлар Маҳкамасининг 2004 йил 11 июндаги 274-сон қарори
273. «Ноширлик фаолиятини лицензиялаш тўғрисидаги низомни тасдиқлаш ҳақида» Ўзбекистон Республикаси Вазирлар Маҳкамасининг 2004 йил 11 июндаги 275-сон қарори
274. «Тошшаҳарйўловчитранс» давлат уюшмасини «Тошшаҳарйўловчитранс» акциядорлик компаниясига айлантириш тўғрисида» Ўзбекистон Республикаси Вазирлар Маҳкамасининг 2004 йил 11 июндаги 277-сон қарори
275. «Ўзбекистон муаллифлик ҳуқуқини ҳимоя қилиш республика агентлиги фаолиятини такомиллаштириш тўғрисида» Ўзбекистон Республикаси Вазирлар Маҳкамасининг 2004 йил 16 июндаги 286-сон қарори
276. «Ўзбекистон Республикасида чакана савдо Қоидаларига қўшимча киритиш тўғрисида» Ўзбекистон Республикаси Вазирлар Маҳкамасининг 2004 йил 16 июндаги 288-сон қарори

Бешинчи бўлим

277. «Энг қулай режим яратган ҳолда савдо-иқтисодий ҳамкорлик битимлари имзоланган мамлакатлар рўйхатига қўшимча киритиш ҳақида» Ўзбекистон Республикаси Ташқи иқтисодий алоқалар агентлиги, Молия вазирлиги, Давлат божхона қўмитасининг 2004 йил 29 апрелдаги НН-01/10-1693, 71, 01-02/1-25-сон қарори. (*Ўзбекистон Республикаси Адлия вазирлиги томонидан 2004 йил 14 июнда 426-3-сон билан давлат рўйхатидан ўтказилди*)
278. «Ўзбекистон Республикаси Ташқи иқтисодий алоқалар вазирлигида Ўзбекистон Республикасининг хўжалик юритувчи субъектлари ўртасида тузиладиган бартер контрактлари (шартномалари, битимлари)ни рўйхатдан ўтказиш тўғрисидаги низомга ўзгартиришлар киритиш ҳақида» Ўзбекистон Республикаси Ташқи иқтисодий алоқалар агентлиги, Молия вазирлиги, Давлат божхона қўмитасининг 2004 йил 5 майдаги НН-01/10-1325, 72, 01-02/19-26-сон қарори. (*Ўзбекистон Республикаси Адлия вазирлиги томонидан 2004 йил 14 июнда 989-1-сон билан давлат рўйхатидан ўтказилди*)
279. «Давлат мулки негизда ташкил этилган акциядорлик жамиятларининг акциялар пакетларини тартибга солиниши муносабати билан уларнинг устав фондларини қайта ҳисоблаш услубиётини ўз кучини йўқотган деб ҳисоблаш тўғрисида» Ўзбекистон Республикаси Давлат мулкни бошқариш ва тадбиркорликни қўллаб-қувватлаш давлат қўмитасининг 2004 йил 3 июндаги 01/06-11-сон қарори. (*2004 йил 14 июнда давлат реестридан чиқарилди*)
280. «Монопол маҳсулотлар, хом ашё ва материалларни биржа ва кимошди савдоларига қўйилишини назорат ва мониторинг қилиш тўғрисидаги низомни тасдиқлаш ҳақида» Ўзбекистон Республикаси Монополиядан чиқариш ва рақобатни ривожлантириш давлат қўмитасининг 2004 йил 11 майдаги 5-сон қарори. (*Ўзбекистон Республикаси Адлия вазирлиги томонидан 2004 йил 14 июнда 1369-сон билан давлат рўйхатидан ўтказилди*)
281. «Қимматли қоғозлар бозорида андеррайтинг фаолияти тўғрисидаги низомга ўзгартириш ва қўшимчалар киритиш ҳақида» Ўзбекистон Республикаси Давлат мулки қўмитаси ҳузуридаги Қимматли қоғозлар бозори фаолиятини мувофиқлаштириш ва назорат қилиш маркази Бош директорининг 2004 йил 3 июндаги 2004-10-сон буйруғи. (*Ўзбекистон Республикаси Адлия вазирлиги томонидан 2004 йил 14 июнда 860-1-сон билан давлат рўйхатидан ўтказилди*)
282. «Юридик ва жисмоний шахслар томонидан истеъмол товарларини олиб келиш ва сотиш тартиби тўғрисидаги низомни ўз кучини йўқотган деб ҳисоблаш ҳақида» Ўзбекистон Республикаси Давлат солиқ қўмитаси, Давлат божхона қўмитасининг 2004 йил 4 июндаги 2004-38, 01-02/8-27-сон қарори. (*2004 йил 14 июнда давлат реестридан чиқарилди*)
283. «Оилавий болалар уйи тўғрисидаги низом тасдиқлаш ҳақида» Ўзбекистон Республикаси Халқ таълими вазирининг 2004 йил 17 июндаги 125-сон буйруғи. (*Ўзбекистон Республикаси Адлия вазирлиги томонидан 2004 йил 17 июнда 1370-сон билан давлат рўйхатидан ўтказилди*)
284. «Ўзағромашсервис» уюшмаси МТПларининг 2004 йил ғалла ҳосилини ўриш

бўйича кўрсатган хизматлари ҳақини тўлаш тартиби тўғрисидаги низом тасдиқлаш ҳақида» Ўзбекистон Республикаси Иқтисодиёт вазирлиги, Молия вазирлигининг 2004 йил 31 майдаги 34, 79-сон қарори. (*Ўзбекистон Республикаси Адлия вазирлиги томонидан 2004 йил 18 июнда 1371-сон билан давлат рўйхатидан ўтказилди*)

Вазирликлар, давлат қўмиталари ва идораларининг умумий мажбурий тусдаги меъёрий ҳужжатларини давлат рўйхатидан ўтказиш ҳолати тўғрисида 2004 йил 11 июндан 18 июнгача бўлган маълумот

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

272 Ўзбекистон матбуот ва ахборот агентлиги фаолияти- ни янада такомиллаштириш тўғрисида

Ўзбекистон Республикаси Президентининг «Республика давлат бошқаруви органлари тизимини такомиллаштириш тўғрисида» 2003 йил 9 декабрдаги ПФ-3358-сон Фармони бажариш мақсадида Вазирлар Маҳкамаси **қарор қилади:**

1. Қуйидагилар:

Ўзбекистон матбуот ва ахборот агентлигининг ташкилий тузилмаси, Агентлик марказий аппаратининг ходимларининг чекланган умумий сони 64 нафар, шу жумладан бошқарув ходимлари сони 51 нафардан иборат бўлган тузилмаси 1 ва 2-иловарларга мувофиқ;

Ўзбекистон матбуот ва ахборот агентлиги тўғрисидаги низом 3-иловага мувофиқ;

Оммавий ахборот воситалари мониторинги ва уларни лицензиялаш марказининг, Қорақалпоғистон Республикаси матбуот ва ахборот агентлигининг тузилмалари, вилоятлар ва Тошкент шаҳар матбуот ва ахборот бошқармаларининг намунавий тузилмаси 4—ба-иловаларга мувофиқ тасдиқлансин.

2. Ўзбекистон матбуот ва ахборот агентлиги Бош директориға марказий аппарат тузилмасига, зарурат бўлганда, ходимларнинг чекланган умумий сони ҳамда уларни таъминлаш маблағлари доирасида ўзгартиришлар киритиш ҳуқуқи берилсин.

3. Қуйидагиларга:

Ўзбекистон матбуот ва ахборот агентлиги, Ўзбекистон Республикаси Давлат мулки қўмитаси, Иқтисодиёт вазирлиги, Меҳнат ва аҳолини ижтимоий муҳофаза қилиш вазирлиги ҳамда Молия вазирлигининг Агентлик тизимига кирувчи наشريётлар ва матбаа корхоналари негизида наشريёт-матбаа ижодий уйлари ташкил этиш;

Ўзбекистон кўзи ожизлар жамияти ва Ўзбекистон Республикаси Давлат мулки қўмитасининг Жамиятга қарашли босмаҳонани давлат корхонаси сифатида Ўзбекистон матбуот ва ахборот агентлиги ихтиёриға бериш;

А. Қодирий номидаги ҳамда Абу Али ибн Сино номидаги наشريётлар ижодий жамоаларининг уларни «Ўзбекистон миллий энциклопедияси» давлат илмий наشريётига қўшиш тўғрисидаги таклифларига розилик берилсин.

Ўзбекистон матбуот ва ахборот агентлиги «Ўзбекистон миллий энциклопедияси» давлат илмий наشريёти тўғрисидаги низомни ҳамда унга А. Қодирий номидаги ҳамда Абу Али ибн Сино номидаги наشريётларнинг қўшилишини ҳисобга олган ҳолда унинг тузилмасини бир ой муддатда ишлаб чиқсин ва тасдиқласин.

4. Ўзбекистон Республикаси Молия вазирлиги ҳар йили республика бюджетини шакллантиришда Оммавий ахборот воситалари мониторинги ва уларни лицензиялаш маркази ҳамда унинг ҳудудий бўлимлари таъминотига ва моддий-техника базасини мустаҳкамлашга зарур маблағлар, шунингдек битта енгил автомобиль харажатларига лимит ажратишни назарда тутсин.

5. Ўзбекистон Республикаси Иқтисодиёт вазирлиги ва Молия вазирлиги Ўзбе-

кистон матбуот ва ахборот агентлигининг Оммавий ахборот воситалари мониторинги ва уларни лицензиялаш маркази ҳамда унинг ҳудудий бўлимларини телерадиоэшитиришларни ёзиб олиш ва архивлаштириш учун техник воситалар билан таъминлашни 2004 йил ва 2005 йил инвестиция дастурларига киритсинлар.

6. Қуйидагилар:

Вазирлар Маҳкамасининг «Ўзбекистон миллий энциклопедияси» давлат илмий нашриётини ташкил этиш тўғрисида» 1997 йил 20 мартдаги 154-сон қарорининг 6-банди ҳамда қарорга 2, 2а-иловалар;

Вазирлар Маҳкамасининг «Ўзбекистон матбуот ва ахборот агентлиги фаолиятини ташкил этиш тўғрисида» 2002 йил 3 июлдаги 241-сон қарори (Ўзбекистон Республикаси ҚТ, 2002 й., 7-сон, 37-модда) ўз кучини йўқотган деб ҳисоблансин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.А. Азизхўжаев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 11 июнь,
274-сон

**Ўзбекистон матбуот ва ахборот агентлиги бошқарувининг
ташкилий тузилмаси**



Ўзбекистон матбуот ва ахборот агентлиги марказий аппаратининг тузилмаси



Вазирлар Маҳкамасининг
2004 йил 11 июндаги 274-сон қарорига
3-ИЛОВА

Ўзбекистон матбуот ва ахборот агентлиги тўғрисида НИЗОМ

I. Умумий қоидалар

1. Ўзбекистон матбуот ва ахборот агентлиги (кейинги ўринларда Агентлик деб аталади) оммавий ахборот воситалари, ахборотлар алмашиш, матбуот, ноширлик, матбаачилик фаолияти ҳамда даврий нашрларни тарқатиш соҳасида давлат сиёсатини ишлаб чиқиш ва амалга ошириш борасидаги вазифаларни ҳал этиш учун валолат берилган давлат бошқаруви органи ҳисобланади.

Агентлик ўз фаолияти тўғрисида Ўзбекистон Республикаси Вазирлар Маҳкамасига ҳисоб беради.

2. Агентлик тизимига Қорақалпоғистон Республикаси матбуот ва ахборот агентлиги, вилоятлар ва Тошкент шаҳар матбуот ва ахборот бошқармалари (кейинги ўринларда ҳудудий бошқармалар деб аталади) ҳамда Агентликка қарашли бошқа ташкилотлар киради.

Худудий бошқармалар икки томонлама бўйсунадилар ҳамда тегишли равишда Қорақалпоғистон Республикаси Вазирлар Кенгашига, маҳаллий давлат ҳокимияти органларига ҳисоб берадилар.

3. Агентлик ўз фаолиятида Ўзбекистон Республикаси Конституциясига ва қонунларига, Ўзбекистон Республикаси Олий Мажлисининг қарорларига ва бошқа ҳужжатларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, шунингдек мазкур Низомга амал қилади.

4. Агентлик ўз фаолиятини давлат бошқарувининг бошқа органлари, маҳаллий давлат ҳокимияти органлари, жамоат бирлашмалари ва бошқа ташкилотлар билан ўзаро ҳамкорликда амалга оширади.

5. Агентликни, унинг ҳудудий бошқармаларини моддий-техник таъминлаш ва Агентлик тизими ходимлари меҳнатига ҳақ тўлаш Агентликка қарашли ташкилотларнинг шартнома асосидаги ажратмалари, шунингдек қонун ҳужжатларида тақиқланмаган бошқа манбалар ҳисобига амалга оширилади.

Оммавий ахборот воситалари мониторинги ва уларни лицензиялаш маркази фаолияти давлат бюджети маблағлари ҳисобига молиялаштирилади.

6. Агентлик ва унинг ҳудудий бошқармалари юридик шахс ҳисобланади, Ўзбекистон Республикаси Давлат герби тасвири туширилган ва ўз номи ёзилган муҳрга эга бўлади.

II. Агентликнинг вазифалари ва функциялари

7. Қуйидагилар Агентликнинг асосий вазифалари ҳисобланади:
оммавий ахборот воситаларининг мустақил фаолиятни амалга оширишга бўлган конституциявий ҳуқуқларига ва тегишли қонун ҳужжатларига, сўз ва матбуот эркинлиги қафолатларига сўзсиз риоя қилиниши мониторингини олиб бориш;
республика фуқароларининг ахборотлар олишга бўлган эҳтиёжини янада тўлиқ қондириш, аҳолининг, энг аввало, ўсиб келаётган авлоднинг таълим, маънавий ва

маданий даражасини ошириш, уларни миллий мустақиллик ғоялари руҳида тарбиялаш мақсадида оммавий ахборот воситаларини, ноширлик ишларини ва матбаачиликни кенг ривожлантиришга қўмаклашиш;

ноширлик ва матбаачилик фаолияти, оммавий ахборот воситалари, даврий нашрларни тарқатиш, шу жумладан кўрсатиб ўтилган фаолият турларини рўйхатдан ўтказиш соҳасидаги давлат сиёсатини амалга ошириш;

нашриётлар, оммавий ахборот воситалари, телевидение, радиоэшиттириш ва республика ахборот бозорининг бошқа қатнашчилари томонидан ахборот соҳасида амалдаги қонун ҳужжатларига риоя этилиши юзасидан мониторингни амалга ошириш;

республика фуқаролари ва юридик шахсларининг ахборотларни тайёрлаш, тарқатиш, улардан фойдаланиш соҳасидаги ҳуқуқлари ва манфаатларининг ҳимоя қилинишини таъминлаш;

ноширлик фаолиятини лицензиялашни ташкил этиш;

мулкчилик шаклларида қатъи назар, оммавий ахборот воситалари учун ахборот бозорида тенг шарт-шароитларни таъминлаш тадбирларини ишлаб чиқиш;

ноширлик ва матбаачилик фаолияти, даврий нашрларни тарқатиш соҳасида ягона техника сиёсатини ўтказиш;

рекламалар тайёрлаш, шунингдек уларни оммавий ахборот воситалари орқали тарқатиш соҳасида давлат сиёсатини ишлаб чиқиш ва амалга оширишда қатнашиш;

ноширлик-матбаачилик фаолиятининг ишлаб чиқариш-техникавий базасини ривожлантириш ва замонавийлаштириш, стандартлаш ва сертификатлаш соҳасидаги чора-тадбирларни ишлаб чиқиш ва амалга ошириш.

8. Агентлик ўзига юкланган вазифаларни бажариш мақсадида қуйидаги функцияларни амалга оширади:

матбаачилик фаолияти билан шуғулланувчи шахсларни, оммавий ахборот воситаларини рўйхатдан ўтказиш;

ноширлик фаолиятини лицензиялашни ташкил этади;

нашриётлар, оммавий ахборот воситалари, телевидение, радио ва республика ахборот бозорининг бошқа қатнашчилари томонидан ахборот соҳасида амалдаги қонун ҳужжатларига риоя этилиши мониторингини ташкил қилади;

қонун ҳужжатларига, рўйхатдан ўтказиш ва лицензиялаш шартларига риоя этилишини назорат қилади, оммавий ахборот воситалари ва нашриётлар томонидан амалдаги қонун ҳужжатлари мунтазам равишда бажарилмаган тақдирда эса — рўйхатдан ўтказиш тўғрисидаги гувоҳномалар ва лицензияларнинг амал қилишини белгиланган тартибда тўхтатиб туради ва тўхтатади;

техник, шунингдек бошқа нормативлар ва стандартларни ишлаб чиқиш ҳамда техникавий базани ривожлантириш, реконструкция қилиш, ундан фойдаланиш, стандартлаш ва сертификатлаш соҳасидаги тадбирларни ишлаб чиқади ва амалга оширади;

Агентлик ваколатига киритилган соҳаларда фаолиятни амалга оширувчи бошқа органларга қўмаклашади;

Агентлик ваколатига кирувчи тармоқларни ривожлантириш прогнозлари ва дастурларини ишлаб чиқади;

Агентлик фаолиятига тааллуқли иқтисодий, ижтимоий, техникавий, ҳуқуқий муаммоларни таҳлил қилади ҳамда уларни ҳал этиш, шу жумладан таклифлар, тегишли қонун ҳужжатлари ва норматив ҳужжатлар лойиҳаларини тайёрлаш бўйича таклифлар ишлаб чиқади;

Агентлик тасарруфидаги ташкилотлар фаолиятига раҳбарлик қилади ва улар

фаолиятини мувофиқлаштиради, уларнинг моддий-техникавий таъминотига кўмаклашади;

матбуот ва ахборот соҳасида халқаро ҳамкорликни ривожлантиради, халқаро ташкилотларнинг Агентлик ваколатига тааллуқли масалалар бўйича ишларида қатнашади.

III. Агентликнинг ҳуқуқлари ва жавобгарлиги

9. Агентлик ўзига юкланган вазифалар ва функцияларни бажариш учун қуйидаги ҳуқуқларга эга:

давлат органларидан ва бошқа органлар, муассасалар, ташкилотлар, мансабдор шахслардан зарур ахборотлар, ҳужжатлар ва материалларни қонун ҳужжатларида белгиланган тартибда сўраб олиш;

қонун лойиҳаларини тайёрлаш, экспертизадан ўтказиш, тадқиқот ишларини амалга ошириш ва консултациялар учун илмий ташкилотларни, давлат органлари ходимларини, мутахассислар ва экспертларни, шу жумладан хорижий мутахассислар ва экспертларни белгиланган тартибда жалб этиш, вақтинчалик ижодий жамоалар ташкил қилиш;

ўз ваколати доирасида, қонун ҳужжатларида белгиланган тартибда, матбуот ва ахборот соҳасидаги қонунчиликни бузаётган давлат бошқаруви органлари, маҳаллий давлат ҳокимияти органлари, хўжалик юритувчи субъектлар ва уларнинг мансабдор шахслари томонидан бажарилиши мажбурий бўлган кўрсатмалар (тақдимномалар) бериш.

Агентлик Ўзбекистон Республикаси қонун ҳужжатларига мувофиқ бошқа ҳуқуқларга ҳам эга бўлиши мумкин.

10. Агентлик ўз ваколатлари доирасида вазирликлар, давлат қўмиталари, идоралар, маҳаллий давлат ҳокимияти органлари, корхоналар, муассасалар, ташкилотлар, мансабдор шахслар ва фуқаролар учун мажбурий бўлган норматив-ҳуқуқий ҳужжатлар чиқаришга ҳақлидир.

Агентлик, зарур ҳолларда, бошқа вазирликлар, давлат қўмиталари ва идоралар билан бирга қўшма қарорлар ва бошқа ҳужжатлар қабул қилишга ҳақлидир.

11. Агентлик ўзига юкланган вазифаларнинг самарали бажарилиши учун жавоб беради.

12. Ўзбекистон матбуот ва ахборот агентлигининг оммавий ахборот воситаларини цензура қилиши, материалларни таҳрир қилиши ва оммавий ахборот воситалари фаолиятига бошқа ҳар қандай шаклда ноқонуний аралашиши қатъиян тақиқланади.

IV. Агентлик фаолиятини ташкил этиш

13. Агентликка қонун ҳужжатларида белгиланган тартибда лавозимга тайинланадиган ва лавозимдан озод қилинадиган бош директор бошчилик қилади.

Бош директорнинг уч нафар ўринбосари, шу жумладан бир нафар биринчи ўринбосари бўлади.

Бош директор мақомига кўра вазирга, бош директорнинг биринчи ўринбосари — вазирнинг биринчи ўринбосарига, Бош директор ўринбосарлари — вазир ўринбосарларига тенглаштирилади.

14. Бош директор:

Агентлик фаолиятига яккабошчилик асосида раҳбарлик қилади ва Агентликка юкланган вазифаларнинг бажарилиши учун шахсан жавоб беради.

Агентликнинг марказий аппарати ходимларини ва ҳудудий бошқармалар раҳбарларини белгиланган тартибда лавозимга тайинлайди ва лавозимдан озод қилади;

Бош директорнинг ўринбосарлари ўртасида вазифаларни тақсимлайди;

Агентликнинг мансабдор шахслари, ҳудудий бошқармалар, Агентлик тасарруфидаги ташкилотлар томонидан бажарилиши мажбурий бўлган буйруқлар чиқаради ва кўрсатмалар беради, шунингдек уларнинг бажарилишини белгиланган тартибда назорат қилади;

Ўзбекистон Республикаси Вазирлар Маҳкамаси томонидан тасдиқланган ходимларнинг сони ва меҳнатга ҳақ тўлаш фонди доирасида Агентлик марказий аппаратининг тузилмаси ва штат жадвалини, матбуот ва ахборот ҳудудий бошқармалари ходимлари сонини, шунингдек маблағ ажратишнинг тегишли даври учун давлат бюджетида тасдиқланган доирада уларнинг таъминоти харажатлари сметасини тасдиқлайди;

Агентликнинг таркибий ва ҳудудий бошқармалари тўғрисидаги низомларни, Агентликка қарашли ташкилотларнинг низомларини белгиланган тартибда тасдиқлайди.

Бош директор қонун ҳужжатларига мувофиқ бошқа ваколатларни амалга оширади.

15. Агентликда таркибига Бош директор (ҳайъат раиси) ва Бош директорнинг ўринбосарлари (лавозимига кўра), оммавий ахборот воситалари ва оммавий коммуникациялар, матбуот, нашриётлар ва матбаа соҳасидаги бошқа раҳбар ходимлар, шунингдек Бош директорнинг тавсияси бўйича бошқа шахслар кирадиган 7 кишидан иборат ҳайъат ташкил этилади.

Ҳайъатнинг шахсий таркиби Ўзбекистон Республикаси Вазирлар Маҳкамаси томонидан тасдиқланади. Ҳайъат Агентлик фаолиятини прогнозлаш билан боғлиқ асосий масалаларни кўриб чиқади.

Ҳайъат қарорлари, қоидага кўра, Бош директор буйруқлари билан амалга оширилади. Бош директор билан ҳайъат аъзолари ўртасида келишмовчилик келиб чиққан тақдирда бош директор узил-кесил қарор қабул қилади ҳамда пайдо бўлган келишмовчиликлар тўғрисида Ўзбекистон Республикаси Вазирлар Маҳкамасига ахборот беради. Ҳайъат аъзолари ҳам ўз фикрини Ўзбекистон Республикаси Вазирлар Маҳкамасига маълум қилишлари мумкин.

16. Ҳудудий бошқармалар ўз фаолиятини Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан келишган ҳолда Агентлик томонидан тасдиқланадиган низомларга мувофиқ амалга оширади.


Агентликнинг ҳудудий бошқармалари раҳбарлари тегишли равишда Қорақалпоғистон Республикаси Вазирлар Кенгаши Раисининг, вилоятлар ва Тошкент шаҳар ҳокимларининг тақдимномасига биноан Бош директор томонидан тайинланади.

17. Ўзбекистон матбуот ва ахборот агентлигини тугатиш ва қайта ташкил этиш қонун ҳужжатларида белгиланган тартибда амалга оширилади.

Вазирлар Маҳкамасининг
2004 йил 11 июндаги 274-сон қарорига
4-ИЛОВА

272-модда

Оммавий ахборот воситалари мониторинги ва уларни лицензиялаш марказининг тузилмаси




Ходимларнинг чекланган умумий сони — 18 киши, шу жумладан бошқарув ходимлари — 18 киши.

— 12 —

24 (108)-сон

Вазирлар Маҳкамасининг
2004 йил 11 июндаги 274-сон қарорига
5-ИЛОВА

Қорақалпоғистон Республикаси матбуот ва ахборот агентлигининг тузилмаси



Ходимларнинг чекланган умумий сони — 14 киши, шу жумладан бошқарув ходимлари — 11 киши.

Вазирлар Маҳкамасининг
2004 йил 11 июндаги 274-сон қарорига
6-ИЛОВА

Вилоятлар ва Тошкент шаҳар матбуот ва ахборот бошқармаларининг намунавий тузилмаси



Вазирлар Маҳкамасининг
2004 йил 11 июндаги 274-сон қарорига
6а-ИЛОВА

272-модда

**Вилоятлар ва Тошкент шаҳар матбуот ва ахборот бошқармалари
ходимларининг чекланган сони**

		Ходимларнинг чекланган умумий сони	Бошқарув ходимлари сони	Шу жумладан:		Хизмат кўрсатувчи ва техник ходимлар
				хўжалик ҳисобидан таъминланади	бюджетдан таъминланади	
1.	Андижон вилояти	10	8	5	3	2
2.	Бухоро вилояти	11	8,5	5,5	3	2,5
3.	Жиззах вилояти	10	8	5	3	2
4.	Қашқадарё вилояти	11	8,5	5,5	3	2,5
5.	Навобий вилояти	11	8,5	5,5	3	2,5
6.	Наманган вилояти	11,5	9	6	3	2,5
7.	Самарқанд вилояти	12	9,5	5,5	4	2,5
8.	Сирдарё вилояти	10	8	6	2	2
9.	Сурхондарё вилояти	11	8,5	5,5	3	2,5
10.	Тошкент вилояти	10	8	6	2	2
11.	Фарғона вилояти	12	9,5	5,5	4	2,5
12.	Хоразм вилояти	11	8,5	5,5	3	2,5
13.	Тошкент шаҳри	13,5	10,5	6,5	4	3
Жами:		144	113	73	40	31

— 14 —

24 (108)-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

273 Ноширлик фаолиятини лицензиялаш тўғрисидаги низомни тасдиқлаш ҳақида

«Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 5-моддасига мувофиқ Вазирлар Маҳкамаси **қарор қилади:**

1. Қуйидагилар:

Ноширлик фаолиятини лицензиялаш тўғрисидаги низом 1-иловага мувофиқ; Вазирлар Маҳкамасининг Ноширлик фаолиятини лицензиялаш комиссияси таркиби 2-иловага* мувофиқ тасдиқлансин.

2. Комиссия икки ҳафта муддатда:

Вазирлар Маҳкамасининг Ноширлик фаолиятини лицензиялаш комиссияси ҳамда эксперт хулосаларни тайёрлаш ишчи гуруҳи тўғрисидаги низомни ишлаб чиқсин ва тасдиқласин;

эксперт хулосалар тайёрлаш ишчи гуруҳининг шахсий таркибини тасдиқласин.

3. Ўзбекистон Республикаси Ҳукуматининг 3-иловага мувофиқ айрим қарорлари ўз кучини йўқотган деб ҳисоблансин ва баъзиларига ўзгартиришлар киритилсин.

4. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.А. Азизхўжаев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 11 июнь,
275-сон

Вазирлар Маҳкамасининг
2004 йил 11 июндаги 275-сон қарорига
1-ИЛОВА

Ноширлик фаолиятини лицензиялаш тўғрисида НИЗОМ

И. Умумий қоидалар

1. Ушбу Низом ноширлик фаолиятини лицензиялаш тартибини белгилайди.

2. Лицензия олиш:

давлат ҳокимияти ва бошқарув органлари, судлар, прокуратура органлари томонидан расмий материаллар, норматив ҳужжатлар тўпламлари ва бошқа ҳужжатларни нашр этишда;

корхоналар, ташкилотлар, ўқув юртлари ва илмий муассасалар томонидан ўз фаолияти учун зарур бўлган ва қўлёзма ҳуқуқлари билан оммавий равишда тарқатиш ёки қўпайтириш учун мўлжалланмаган материалларни нашр этишда;

мазкур оммавий ахборот воситалари таҳририятлари томонидан оммавий ахборотнинг матбаа воситаларини нашр этишда талаб қилинмайди.

* 2-илова берилмайди.

3. Лицензияларни бериш ва бекор қилиш, уларнинг амал қилишини тўхтатиш тўғрисидаги қарорлар Вазирлар Маҳкамасининг Ноширлик фаолиятини лицензиялаш комиссияси (кейинги ўринларда Комиссия деб аталади) томонидан қабул қилинади.

Комиссия фаолияти унинг томонидан тасдиқланган низомга мувофиқ ташкил этилади.

Ўзбекистон матбуот ва ахборот агентлиги (кейинги ўринларда Агентлик деб аталади) Комиссиянинг ишчи органи функциясини бажаради.

Лицензиялар бериш ёки уларнинг амал қилиш муддатини узайтириш тўғрисидаги материалларни кўриб чиқиш, тайёрлаш ва Комиссия мажлисига киритиш учун Агентликда ишчи гуруҳ тузилади. Ишчи гуруҳнинг шахсий таркиби Комиссия томонидан тасдиқланади.

4. Юридик шахслар лицензиялар талабгорлари бўлиши мумкин.

5. Ноширлик фаолиятини амалга ошириш ҳуқуқига намунавий (оддий) лицензиялар берилади.

6. Ноширлик фаолиятини амалга ошириш ҳуқуқига лицензиялар 5 йил муддатга берилади. Лицензия фақат лицензия талабгорининг аризасига кўра 5 йилдан кам муддатга берилиши мумкин.

II. Лицензия талаблари ва шартлари

7. Қуйидагилар ноширлик фаолиятини амалга оширишда лицензия талаблари ва шартлари ҳисобланади:

ноширлик фаолияти соҳасидаги қонун ҳужжатларига, норматив-техник ва бошқа талабларга мажбурий риоя этиш;

урушни тарғиб қилиш, давлат тузумини конституцияга хилоф равишда ўзгартириш, мамлакатда хавфсизликни ва ижтимоий-сиёсий барқарорликни, жамиятнинг ҳуқуқий ва маънавий асосларини, фуқаролар тотувлигини, миллатлараро ва динлараро тотувликни бузиш, Ўзбекистон тўғрисида нотўғри ахборотларни тарқатиш ҳамда унинг тарихий, маданий ва маънавий қадриятларини бузиб кўрсатиш учун фойдаланилиши мумкин бўлган матбаа маҳсулотларини нашр этиш ва тарқатишга йўл қўймаслик;

ноширлик фаолиятини амалга ошириш учун зарур бўлган тегишли моддий-техник база, асбоб-ускуналар ва бошқа техника воситаларининг мавжудлиги;

лицензияда кўрсатилган ихтисос бўйича ноширлик фаолиятини амалга ошириш; ноширлик-матбаа сифатининг амалдаги талаблар ва стандартларга мувофиқлигини таъминлаш;

муаллифлик ҳуқуқига риоя қилиш;

лицензиат томонидан тайёрланган матбаа маҳсулотларининг (шу жумладан мазкур маҳсулот таркибига кирган асарларнинг) нусхалари, тайёрланган нусхалар сони, шунингдек лицензиат ёхуд буюртмачининг нашр этишга ҳуқуқини (лицензиат томонидан муаллифлик ҳуқуқларига риоя қилиниши) тасдиқловчи ҳужжатлар ҳисобининг юритилиши;

лицензиат томонидан ноширлик фаолиятининг ёнғин хавфсизлиги қоидалари, санитария-гигиена нормалари, меҳнатни (ишлаб чиқаришни) муҳофаза қилиш талабларига жавоб берадиган бино ва хоналарда амалга оширилиши;

лицензиат томонидан хоналар, технологик асбоб-ускуналар ва бошқа техника воситаларини, шунингдек ноширлик фаолиятида фойдаланиладиган сарфланувчи материалларни ишончли қўриқлашнинг таъминланиши;

юридик шахс штатида тегишли олий ёки ўрта махсус маълумотга ва ноширлик ишида камида 3 йиллик иш тажрибасига эга бўлган камида бир нафар ходимнинг мавжудлиги.

8. Лицензия битимида ушбу Низомнинг 7-бандида қайд этилганлардан аниқ лицензия талаблари ва шартлари назарда тутилиши мумкин.

III. Лицензия олиш учун зарур ҳужжатлар

9. Лицензия олиш учун лицензия талабгори қўйидаги ҳужжатларни тақдим этади:

- а) лицензия бериш тўғрисидаги ариза, унда қўйидагилар кўрсатилади:
юридик шахснинг номи ва ташкилий-ҳуқуқий шакли, унинг жойлашган жойи (почта манзили), банк муассасасининг номи ва банкдаги ҳисоб рақами;
фамилияси, исми, отасининг исми, лицензия талабгори — юридик шахс раҳбарининг шахсини тасдиқловчи ҳужжат маълумотлари;
фаолиятнинг лицензияланаётган тури ва мазкур фаолият тури амалга ошириладиган муддат;
ихтисослашуви;
маблағ билан таъминлаш манбалари;
- б) юридик шахснинг давлат рўйхатидан ўтказилганлиги тўғрисидаги гувоҳноманинг нотариал тасдиқланган нусхаси;
- в) ариза кўриб чиқилганлиги учун лицензия талабгори томонидан йиғим тўланганлигини тасдиқловчи ҳужжат;
- г) фаолиятнинг лицензияланаётган турини амалга ошириш учун зарур бўлган мавжуд моддий-техник база, асбоб-ускуналар ва бошқа техника воситалари тўғрисидаги маълумотлар;
- д) юридик шахс ходимларида тегишли олий ёки ўрта махсус маълумотнинг ва ноширлик ишида камида 3 йиллик иш тажрибасининг мавжудлигини тасдиқловчи ҳужжатлар (маълумот тўғрисидаги ҳужжатнинг ва меҳнат дафтарчасининг нусхаси).

10. Лицензия талабгоридан мазкур Низомда назарда тутилмаган ҳужжатларнинг тақдим этилишини талаб қилишга йўл қўйилмайди.

11. Ҳужжатлар лицензия талабгори томонидан Агентликка бевосита ёхуд уларнинг олинганлиги тўғрисидаги билдиришнома билан почта алоқаси воситаси орқали етказиб берилади.

Ҳужжатлар ишчи гуруҳнинг раҳбари томонидан рўйхат бўйича қабул қилинади, рўйхатнинг нусхаси ҳужжатлар қабул қилиб олинган сана тўғрисида белги қўйилган ҳолда аризачига юборилади (топширилади). Ишчи гуруҳ раҳбари вақтинча жойида бўлмаган тақдирда унинг функциясини ишчи гуруҳ раҳбари белгилайдиган шахс бажаради.

12. Ишончсиз ёки нотўғри маълумотлар тақдим этилганлиги учун лицензия талабгори қонун ҳужжатларига мувофиқ жавоб беради.

IV. Аризаларни кўриб чиқиш ва лицензия бериш ёки лицензия беришни рад этиш тўғрисида қарор қабул қилиш

13. Лицензия талабгорининг аризаси кўриб чиқилганлиги учун қонун ҳужжатларида белгиланган тўлов кундаги энг кам ойлик иш ҳақининг беш баравари микдорда йиғим ундирилади.

Аризани кўриб чиққанлик учун йиғим суммаси Агентликнинг банкдаги ҳисоб рақамига ўтказилади.

Лицензия талабгори берилган аризадан воз кечган тақдирда тўланган йиғим суммаси қайтарилмайди.

14. Ноширлик фаолиятини лицензиялаш ушбу Низомга илова қилинаётган схемага мувофиқ амалга оширилади.

Лицензия талабгорига лицензия бериш ёки беришни рад этиш тўғрисидаги қарор лицензия талабгорининг аризаси олинган кундан бошлаб ўттиз кундан ошмайдиган муддатда қабул қилинади.

Ишчи гуруҳ ариза олинган кундан бошлаб ўн беш кундан ошмайдиган муддатда ҳужжатларни кўриб чиқади, улар бўйича эксперт хулосаси тайёрлайди ва лицензия талабгорига лицензия бериш ёки беришни рад этиш тўғрисидаги таклифни тегишли қарор протоколи лойиҳаси билан бирга Комиссияга тасдиқлаш учун тақдим этади.

Ишчи гуруҳ зарур ҳолларда лицензия талаблари ва шартларининг лицензия талабгори томонидан бажарилиши имкониятини жойига борган ҳолда ўрганиш ҳуқуқига эга.

Комиссия ишчи гуруҳ таклифи олингандан кейин ўн беш кундан ошмайдиган муддатда уни кўриб чиқади ва қабул қилинган қарор тўғрисидаги протоколни тасдиқлайди. Комиссия қабул қилган қарор протоколини Комиссия раиси (унинг ўринбосари) тасдиқлайди. Зарур ҳолларда Комиссия қарори сўров йўли билан қабул қилиниши мумкин.

15. Агентлик лицензия талабгорини қабул қилинган қарор тўғрисида тегишли қарор қабул қилингандан кейин уч кун мобайнида хабардор қилади.

Лицензия бериш юзасидан қарор қабул қилингани тўғрисидаги билдиришнома лицензия талабгорига банк ҳисоб рақами реквизитлари, давлат божини тўлаш муддати кўрсатилган ҳолда ёзма шаклда жўнатилади (тақдим этилади).

Лицензия битими Агентлик билан лицензиат ўртасида тузилади ва унда қуйидагилар бўлиши керак:

битимни имзолаган шахсларнинг фамилияси, исми, отасининг исми, лавозими; томонларнинг реквизитлари;

амалга оширилишига лицензия берилаётган фаолият турининг номи;

лицензиянинг амал қилиш муддати;

лицензиатга қўйиладиган лицензия талаблари ва шартлари;

лицензия битими талаблари ва шартлари бузилганлиги учун томонларнинг жавобгарлиги;

лицензиат томонидан лицензия битими талаблари ва шартлари бажарилишини Агентлик томонидан назорат қилиш тартиби.

Лицензия битими икки нусхада — лицензиат ва Агентлик учун бир нусхадан тузилади.

16. Лицензиялар бланкалари қатъий ҳисобда турадиган ҳужжатлар ҳисобланади, ҳисобга олиш сериясига, тартиб рақамига ва ҳимояланганлик даражасига эга бўлади. Лицензия бланкалари намуналари Агентлик томонидан ишлаб чиқилади, Комиссия томонидан тасдиқланади ва Агентлик буюртмаси бўйича босмаҳона усулида «Давлат белгиси» давлат-ишлаб чиқариш бирлашмасида тайёрланади. Агентлик раҳбари лицензия бланкаларини ҳисобга олиш, сақлаш ва улардан мақсадли фойдаланилиши учун шахсан жавоб беради.

Лицензиялар Агентлик томонидан расмийлаштирилади ва Комиссия раиси томонидан имзоланади.

17. Лицензия талабгори томонидан давлат божи тўланганини тасдиқловчи ҳужжат тақдим этилгандан ва у лицензия битимини имзолагандан кейин уч кун муддатда берилади.

18. Агар лицензиат лицензия бериш тўғрисида қарор қабул қилинганлиги ҳақидаги билдиришнома юборилган (топширилган) вақтдан бошлаб уч ой мобайнида Агентликка лицензия берилганлиги учун давлат божи тўланганлигини тасдиқловчи ҳужжатни тақдим этмаса ёхуд лицензия битимини имзоламаса, Комиссия лицензияни бекор қилиш тўғрисида қарор қабул қилишга ҳақлидир.

19. Лицензия бериш «Фаолиятнинг айрим турларини лицензиялаш тўғрисида»-ги Ўзбекистон Республикаси Қонунининг 17-моддасида назарда тутилган асослар бўйича рад этилиши мумкин.

Лицензия талабгори лицензия бериш рад этилиши тўғрисидаги қарор, шунингдек ишчи гуруҳ ва Агентлик мансабдор шахсининг хатти-ҳаракати (ҳаракатсизлиги) юзасидан қонун ҳужжатларида белгиланган тартибда шикоят қилиш ҳуқуқига эгадир.

20. Лицензия беришни рад этиш тўғрисида қарор қабул қилинган тақдирда рад этиш тўғрисидаги билдиришнома лицензия талабгорига рад этишнинг аниқ сабаблари ва лицензия талабгори кўрсатиб ўтилган сабабларни бартараф этиб ҳужжатларни такроран кўриб чиқишга тақдим этиши учун етарли бўлган муддат кўрсатилган ҳолда ёзма шаклда юборилади (топширилади).

21. Лицензия талабгори томонидан лицензия беришнинг рад этилишига асос бўлган сабаблар бартараф этилган тақдирда, ҳужжатларни такроран кўриб чиқиш лицензия талабгорининг аризаси барча зарур ҳужжатлар билан биргаликда олинган кундан бошлаб ўн кундан ортиқ бўлмаган муддатда амалга оширилади.

Бунда ишчи гуруҳ ҳужжатлар такроран тақдим этилгандан кейин олти кун мобайнида улар бўйича эксперт хулосаси тайёрлайди ва лицензия талабгорига лицензия бериш ёки беришни рад этиш тўғрисидаги таклифни тегишли қарор протоколи лойиҳаси билан бирга Комиссияга тасдиқлаш учун тақдим этади.

Комиссия ишчи гуруҳ таклифи олингандан кейин тўрт кун муддатда уни кўриб чиқади ва қабул қилинган қарор тўғрисидаги протоколни тасдиқлайди. Комиссия қабул қилган қарор протоколи Комиссия раиси (унинг ўринбосари) томонидан имзоланади.

Лицензия талабгорларининг аризалари такроран кўриб чиқилганлиги учун йиғим ундирилмайди.

Лицензия бериш рад этилганлиги тўғрисидаги билдиришномада кўрсатилган муддат ўтгандан кейин берилган ариза янгидан берилган ариза ҳисобланади.

V. Лицензияни қайта расмийлаштириш, унинг амал қилиш муддатини узайтириш, дубликат бериш

22. Лицензиат — юридик шахс қайта ташкил этилган, унинг номи ёки жойлашган жойи (почта манзили) ўзгарган тақдирда, лицензиат ёки унинг ҳуқуқий вориси қайта рўйхатдан ўтказилгандан кейин бир ҳафта муддатда Агентликка кўрсатиб ўтилган маълумотларни тасдиқловчи тегишли ҳужжатлар илова қилинган ҳолда лицензияни қайта расмийлаштириш тўғрисида ариза бериши шарт.

23. Лицензиат лицензия қайта расмийлаштирилгунга қадар унда кўрсатилган фаолиятни илгари берилган лицензия асосида амалга оширади.

24. Агентлик лицензияни қайта расмийлаштиришда лицензиялар реестрига тегишли ўзгартиришлар киритади. Лицензияни қайта расмийлаштириш Агентлик то-

монидан тегишли ҳужжатлар илова қилинган ҳолда лицензияларни қайта расмийлаштириш тўғрисида ариза олинган кундан бошлаб беш кун мобайнида амалга оширилади.

Лицензияни қайта расмийлаштиришда лицензия талабгорининг лицензия бериш тўғрисидаги аризаси кўриб чиқилганлиги учун тўланадиган сумманинг ярми миқдорида йиғим ундирилади. Йиғим суммаси Агентликнинг банкдаги ҳисоб рақамига ўтказилади.

25. Лицензиянинг амал қилиш муддатини узайтириш лицензиатнинг аризасига кўра амалга оширилади.

Лицензиянинг амал қилиш муддатини узайтириш тўғрисидаги ариза Агентликка лицензиянинг амал қилиш муддати тугагунга қадар икки ойдан кечикмай берилиши керак.

Лицензиянинг амал қилиш муддатини узайтириш ёки узайтиришни рад этиш тўғрисидаги қарор лицензия бериш учун назарда тутилган тартибда қабул қилинади.

26. Амал қилиш муддати ўтмаган йўқолган ёки яроқсиз ҳолга келган лицензия ўрнига лицензиатнинг аризасига кўра дубликат берилиши мумкин.

Лицензия дубликатлари беришда лицензия талабгорининг лицензия бериш тўғрисидаги аризаси кўриб чиқилганлиги учун тўланадиган сумманинг ярми миқдорида йиғим ундирилади. Йиғим суммаси Агентликнинг банкдаги ҳисоб рақамига ўтказилади.

VI. Лицензия талаблари ва шартларига риоя этилишини назорат қилиш

27. Лицензиат томонидан лицензия шартлари ва талабларига риоя этилишини назорат қилиш Агентлик томонидан қонун ҳужжатларида белгиланган тартибда амалга оширилади.

28. Лицензия талаблари ва шартларига риоя этилишини назорат қилишни амалга оширишда Агентлик ўз ваколатлари доирасида қуйидаги ҳуқуқларга эга:

лицензиат томонидан лицензия талаблари ва шартларига риоя этилишини қонун ҳужжатларида белгиланган тартибда режали текшириш;

лицензия талаблари ва шартлари лицензиат томонидан бузилганлигидан далолат берувчи ҳоллар мавжуд бўлган тақдирда лицензиат томонидан лицензия талаблари ва шартларига риоя этилишини қонунда белгиланган тартибда режадан ташқари текшириш;

лицензиатдан лицензия талаблари ва шартларига риоя этилишини текшириш чоғида пайдо бўладиган масалалар юзасидан зарур ахборотни сўраш ва олиш;

текширишлар натижалари асосида, лицензия талаблари ва шартларининг лицензиат томонидан аниқ бузилишларини кўрсатган ҳолда далолатномалар (маълумотномалар) тузиш;

лицензиатга аниқланган бузилишларни бартараф этиш мажбуриятини юкловчи қарорлар чиқариш, бундай бузилишларни бартараф этиш муддатларини белгилаш;

лицензиянинг амал қилишини тўхтатиш ёхуд лицензияни бекор қилиш тўғрисидаги таклифларни Комиссияга кўриб чиқиш учун киритиш;

хўжалик юритувчи субъектлар томонидан ноширлик фаолиятининг лицензиясиз амалга оширилишининг аниқланган фактлари тўғрисидаги материалларни қонунчиликда назарда тутилган чоралар кўриш учун солиқ органларига белгиланган тартибда жўнатиш.

29. Лицензия талаблари ва шартларига риоя этилишини текширишда Агенликнинг текширувчи ходимлари томонидан икки нусхада далолатнома тузилади, уларнинг биттаси лицензиатга берилади, иккинчи нусхаси Агентликда қолади.

VII. Лицензиянинг амал қилишини тўхтатиб туриш, тўхтатиш, лицензияни бекор қилиш

30. Лицензиянинг амал қилишини тўхтатиб туриш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 22-моддасида назарда тутилган ҳолларда ва тартибда Агентлик томонидан амалга оширилади.

Агентликнинг лицензиянинг амал қилишини тўхтатиб туриш тўғрисидаги қарори юзасидан судга шикоят қилиш мумкин. Лицензия амал қилишининг тўхтатиб турилиши суд томонидан асоссиз деб эътироф этилган тақдирда, Агентлик лицензиат олдида лицензиат кўрган зарар миқдорида жавоб беради.

31. Лицензиянинг амал қилишини тўхтатиш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 23-моддасида назарда тутилган ҳолларда ва тартибда Комиссия қарорига кўра амалга оширилади.

Комиссиянинг лицензиянинг амал қилишини тўхтатиш тўғрисидаги қарори юзасидан судга шикоят қилиш мумкин. Лицензиянинг амал қилишини тўхтатишнинг асоссизлиги суд томонидан эътироф этилган тақдирда Комиссия лицензиат олдида унинг кўрган зарари миқдорида жавоб беради.

32. Лицензияни бекор қилиш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 24-моддасида назарда тутилган ҳолларда ва тартибда Комиссия қарорига кўра амалга оширилади.

Комиссиянинг лицензиянинг амал қилишини тўхтатиш тўғрисидаги қарори юзасидан судга шикоят қилиш мумкин. Лицензияни бекор қилишнинг асоссизлиги суд томонидан эътироф этилган тақдирда Комиссия лицензиат олдида унинг кўрган зарари миқдорида жавоб беради.

VIII. Лицензиялар реестри

33. Агентлик лицензиялар реестрини юритади.

Лицензиялар реестрида қуйидагилар кўрсатилиши керак:

юридик шахснинг номи, унинг ташкилий-ҳуқуқий шакли, почта манзили, телефони;

солиқ тўловчининг идентификация тартиб рақами;

лицензиянинг берилган санаси ва тартиб рақами;

лицензиянинг амал қилиш муддати;

умуман фаолият турига ёки унинг бир қисмига лицензия бериш тўғрисидаги маълумотлар;

лицензияни қайта расмийлаштириш, уларнинг амал қилиш муддатини узайтириш, тўхтатиб туриш ва амал қилишини тиклашнинг асослари ва санаси;

лицензиянинг амал қилишини тўхтатиш асослари ва санаси;

лицензияни бекор қилишнинг асослари ва санаси;

дубликат беришнинг асослари ва санаси.

34. Лицензиялар реестридаги мавжуд маълумотлар юридик ва жисмоний шахсларнинг улар билан танишиши учун очиқ ҳисобланади, улар Агентликда ҳақ тўла-

ган ҳолда муайян лицензиатлар тўғрисидаги маълумотларни лицензиялар реестридан кўчирма тарзида олиш ҳуқуқига эгадирлар.

Лицензиялар реестридан маълумот берилганлиги учун энг кам ойлик иш ҳақининг ярми миқдоридаги тўлов Агентликнинг банкдаги ҳисоб-китоб рақамига ўтказилади.

Лицензиялар реестридан маълумотлар давлат ҳокимияти ва бошқарув органларига текин берилади.

35. Реестрдан маълумотлар бериш муддати (унинг берилиши учун ҳақ тўланганлиги тўғрисида ҳужжат тақдим этилган тақдирда) тегишли сўров берилган санадан бошлаб уч кундан ошиши мумкин эмас.

IX. Давлат божи тўлаш тартиби


36. Ноширлик фаолиятини амалга оширишга лицензия бериш ва унинг амал қилиш муддатини узайтириш учун тўлов кунда қонун ҳужжатларида белгиланган энг кам ойлик иш ҳақининг ўн баравари миқдорида давлат божи ундирилади.

Болалар адабиётлари, норматив маълумотномалар, илмий-техника адабиётлари, маълумотнома-қомусий китоблар, шунингдек ногиронлар учун мўлжалланган адабиётлар нашр этишга ихтисослашаётган нашриётлар давлат божини белгиланган миқдорнинг 50 фоизи миқдорида тўлайдилар.

Давлат божи республика бюджети даромадига ўтказилади.

Ноширлик фаолиятини лицензиялаш
тўғрисидаги низомга
ИЛОВА

Ноширлик фаолиятини лицензиялаш схемаси



Вазирлар Маҳкамасининг
2004 йил 11 июндаги 275-сон қарорига
3-ИЛОВА

I. Ҳукуматнинг ўз кучини йўқотган қарорлари рўйхати

1. Вазирлар Маҳкамасининг «Ўзбекистон Республикасида ноширлик фаолияти билан шуғулланишни тартибга солиш тўғрисида» 1997 йил 11 августдаги 393-сон қарори.

2. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» 2002 йил 28 августдаги 305-сон қарорига (Ўзбекистон Республикаси ҚТ, 2002 й., 8-сон, 49-модда) илованинг 2-банди.

II. Ўзбекистон Республикаси Вазирлар Маҳкамасининг 2002 йил 3 июлдаги 241-сон қарори (Ўзбекистон Республикаси ҚТ, 2002 й., 7-сон, 37-модда) билан тасдиқланган Ўзбекистон Матбуот ва ахборот агентлиги тўғрисидаги низомда:

5-банднинг иккинчи хатбошидаги «нашриёт-матбаа» сўзлари «матбаа» сўзи билан алмаштирилсин;

7-банддаги «нашриётлар ва» сўзлари чиқариб ташлансин.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

274 «Тошшаҳарйўловчитранс» давлат уюшмасини «Тошшаҳарйўловчитранс» акциядорлик компаниясига айлантириш тўғрисида

Ўзбекистон Республикаси Президентининг «Хўжалик бошқаруви органлари тизимини такомиллаштириш тўғрисида» 2003 йил 22 декабрдаги ПФ–3366-сон Фармонини бажариш юзасидан ҳамда Тошкент шаҳрида йўловчилар ташиш билан банд бўлган корхоналар ва ташкилотларни бошқариш тизимини такомиллаштириш, уларнинг фаолияти самарадорлигини ошириш мақсадида Вазирлар Маҳкамаси **қарор қилади:**

1. Тошкент шаҳар йўловчилар ташиш транспорти давлат уюшмаси «Тошшаҳарйўловчитранс» акциядорлик компаниясига айлантирилсин.

Белгилаб қўйилсинки, «Тошшаҳарйўловчитранс» акциядорлик компанияси «Тошшаҳарйўловчитранс» давлат уюшмасининг ҳуқуқлари ва мажбуриятлари бўйича ҳуқуқий вори ҳисобланади.

2. Қуйидагилар «Тошшаҳарйўловчитранс» акциядорлик компаниясининг асосий вазифалари ва фаолияти йўналишлари этиб белгилансин:

шаҳар йўловчилар ташиш транспортини ривожлантиришнинг истиқболли стратегиясини белгилаш, Тошкент шаҳар ҳокимлиги ҳамда бошқа манфаатдор ташкилотлар билан биргаликда йўловчилар ташиш транспортини ривожлантиришга йўналтирилган ўрта муддатли ва узоқ муддатли дастурларни ишлаб чиқиш ва амалга ошириш;

маркетинг тадқиқотларини ташкил этиш ва шаҳар транспорт хизматлари бозорида рақобат муҳитини шакллантириш;

Тошкент шаҳар аҳолисининг шаҳар йўловчилар ташиш транспорти хизматларига эҳтиёжини қондириш, шаҳар йўловчилар ташиш транспортининг иқтисодий фойдали ва экология жиҳатидан тоза турларини комплекс ривожлантириш;

йўловчилар ташиш транспортда йўл ҳаракати хавфсизлигининг юқори даражасини таъминлаш;

кадрларни тайёрлаш, қайта тайёрлаш ва уларнинг малакасини оширишни ташкил этиш.

3. Ўзбекистон Республикаси Давлат мулки қўмитаси бир ой муддатда:

асосий фондларни 2004 йил 1 январдаги ҳолатига кўра қайта баҳолашни ҳисобга олган ҳолда, «Тошшаҳарйўловчитранс» акциядорлик компаниясининг устав жамғармасини «Тошшаҳарйўловчитранс» давлат уюшмаси мол-мулки қиймати, шунингдек корхоналар мол-мулки қиймати ҳамда 1 ва 2-иловаларга мувофиқ акциядорлик жамиятлари акцияларининг давлат пакетлари ҳисобига шакллантирсин;

2а-иловага мувофиқ корхоналарнинг устав фондларидаги акцияларнинг давлатга тегишли пакетларини (улушни) уларни сотиш вақтигача «Тошшаҳарйўловчитранс» акциядорлик компаниясига ишончли бошқарувга белгиланган тартибда берсин.

4. Белгилаб қўйилсинки:

«Тошшаҳарйўловчитранс» давлат уюшмасини Акциядорлик компаниясига айлантириш жараёнида чиқарилган акциялар давлат мулки ҳисобланади ва улар сотилмайди ёки бошқача тарзда бегоналаштирилмайди, гаров предмети бўлиши, шунингдек иккиламчи қимматбаҳо қоғозлар чиқариш учун таъминловчи бўлиб хизмат қилиши мумкин эмас;

«Тошшаҳарйўловчитранс» акциядорлик компаниясининг 1-иловага мувофиқ корхоналари акциялаштирилмайди.

5. Қуйидагилар:

«Тошшаҳарйўловчитранс» акциядорлик компаниясининг ташкилий тузилмаси 3-иловага мувофиқ;

«Тошшаҳарйўловчитранс» акциядорлик компаниясининг ходимларнинг чекланган умумий сони 54 киши, шу жумладан бошқарув ходимлари сони 37 киши бўлган ижро этувчи аппарати тузилмаси 4-иловага мувофиқ маъқуллансин.

«Тошшаҳарйўловчитранс» акциядорлик компанияси бошқаруви раисига, зарурат бўлганда, компания бошқаруви ижро этувчи аппарати тузилмасига ходимларнинг белгиланган чекланган сони ва улар таъминотига харажатлар доирасида ўзгартиришлар киритишга рұхсат берилсин.

6. Белгилансинки, 5-иловага* мувофиқ таркибда 7 кишидан иборат этиб шакллантириладиган Компания кенгаши «Тошшаҳарйўловчитранс» акциядорлик компанияси бошқарувининг юқори органи ҳисобланади.

«Тошшаҳарйўловчитранс» акциядорлик компанияси бошқаруви 4 нафар аъзолардан, шу жумладан раис ва унинг уч нафар ўринбосарларидан иборат бўлади. Раис ва унинг ўринбосарлари Компания кенгаши тақдимномасига биноан Ўзбекистон Республикаси Вазирлар Маҳкамаси томонидан тасдиқланадилар.

7. «Тошшаҳарйўловчитранс» акциядорлик компаниясининг Компания кенгаши уставни тасдиқласин ва уни давлат рўйхатидан ўтказиш учун белгиланган тартибда Ўзбекистон Республикаси Адлия вазирлигига тақдим этсин.

8. Ўзбекистон Республикаси Давлат мулки қўмитаси ҳузуридаги Қимматли қоғозлар бозори фаолиятини мувофиқлаштириш ва назорат қилиш маркази «Тош-

* 5-илова берилмайди.

шаҳарйўловчитранс» акциядорлик компаниясининг чиқарилган акцияларини, эмиссия проспектини рўйхатдан ўтказиш учун йигим ундирмасдан, давлат рўйхатидан ўтказсин.

9. Ўзбекистон Республикаси Ҳукуматининг 6-иловага мувофиқ қарорлари ўз кучини йўқотган деб ҳисоблансин.

10. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.Ф. Файзуллаев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 11 июнь,
277-сон

Вазирлар Маҳкамасининг
2004 йил 11 июндаги 277-сон қарорига
1-ИЛОВА

Мол-мулки «Тошшаҳарйўловчитранс» акциядорлик компаниясининг устав жамғармасига бериладиган унитар корхоналар рўйхати

1. 2519-автоколонна
2. Тошкент метрополитени
3. 2-трамвай депоси
4. 3-трамвай-троллейбус депоси
5. 2-троллейбус депоси
6. Бажарилган транспорт хизматлари сифатини мувофиқлаштириш ва назорат қилиш бошқармаси
7. «Йуловчитранссервис» ягона хўжалик ҳисобидаги марказ
8. Йўл хизмати
9. Энергия хўжалиги хизмати
10. Авария-тиклаш хизмати
11. «Мерседес-Бенц сервис хизмати кўрсатиш маркази» шўъба корхонаси
12. «Тоштатрасервис» техник маркази давлат унитар корхонаси

Вазирлар Маҳкамасининг
2004 йил 11 июндаги 277-сон қарорига
2-ИЛОВА

Акцияларининг давлат пакетлари «Тошшаҳарйўловчитранс» акциядорлик компаниясининг устав жамғармасига бериладиган акциядорлик жамиятлари рўйхати

1. «Биринчи автокорхона» ОАЖ
2. «2-автобус саройи» ОАЖ
3. «3-автобус саройи» ОАЖ
4. «4-автобус саройи» ОАЖ


5. «5-автокорхона» ОАЖ
6. «7-автокорхона» ОАЖ
7. «8-автосарой» ОАЖ
8. «12-автобус саройи» ОАЖ
9. «18-автобус саройи» ОАЖ

Вазирлар Маҳкамасининг
2004 йил 11 июндаги 277-сон қарорига
2а-ИЛОВА

**Давлат активлари сотилгунга қадар «Тошшаҳарйўловчитранс»
акциядорлик компаниясига ишончли бошқарувга бериладиган
корхоналар ва ташкилотлар рўйхати**

Т/р	Корхоналар номи	Давлат улуши, %
1.	«2-автокомбинат» ОАЖ	25,0
2.	«Ипак йўли автотранс» ОАЖ	6,0
3.	«Элтранстаъминот» МЧЖ	35,2
4.	«Трамвайчи» болалар соғломлаштириш оромгоҳи	100
5.	«Автомобилчи» болалар соғломлаштириш оромгоҳи	100
6.	Стрельцов номидаги болалар соғломлаштириш оромгоҳи	100

«Тошшаҳарйўловчитранс» акциядорлик компаниясининг ташкилий тузилмаси



«Тошшаҳарйўловчитранс» акциядорлик компаниясининг ижро этувчи аппарати тузилмаси



Ходимларнинг чекланган умумий сони — 54 киши, шу жумладан бошқарув ходимлари — 37 киши.

Вазирлар Маҳкамасининг
2004 йил 11 июндаги 277-сон қарорига
6-ИЛОВА

Ўзбекистон Республикаси Ҳукуматининг ўз кучини йўқотган қарорлари

1. Вазирлар Маҳкамасининг «Тошкент шаҳар йўловчилар ташиш транспорти корхоналари давлат уюшмаси («Тошшаҳарйўловчитранс») фаолиятини ташкил этиш масалалари тўғрисида» 1992 йил 5 июндаги 266-сон қарорининг 1, 2, 3 ва 10-бандлари.

2. Вазирлар Маҳкамасининг «Тошкент шаҳри аҳолисига йўловчи ташиш транспорти хизмати кўрсатишни тубдан яхшилаш чора-тадбирлари тўғрисида» 1996 йил 19 августдаги 291-сон қарори 2-бандининг иккинчи хатбоши, 3 ва 5-бандлари ҳамда қарорга 1 ва 2-иловалар.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

275 Ўзбекистон муаллифлик ҳуқуқини ҳимоя қилиш республика агентлиги фаолиятини такомиллаштириш тўғрисида

Ўзбекистон Республикаси Президентининг «Республика давлат бошқаруви органлари тизимини такомиллаштириш тўғрисида» 2003 йил 9 декабрдаги ПФ-3358-сон Фармонига мувофиқ, шунингдек муаллифлик ҳуқуқи ҳимоя қилинишини таъминлаш мақсадида Вазирлар Маҳкамаси **қарор қилади:**

1. Қуйидагилар Ўзбекистон муаллифлик ҳуқуқини ҳимоя қилиш республика агентлигининг асосий вазифалари этиб белгилансин:

муаллифлик ҳуқуқини ва турдош ҳуқуқларни ҳимоя қилиш соҳасида ягона давлат сиёсати амалга оширилишини таъминлаш;

муаллифлар, уларнинг ҳуқуқий ворислари ҳамда бошқа муаллифлик ҳуқуқи ва турдош ҳуқуқлар эгаларининг мулкӣ ҳуқуқларини тузилган шартномалар асосида амалга ошириш ва ҳимоя қилиш, муаллифлик ҳуқуқи ва турдош ҳуқуқларнинг бузилишига йўл қўймаслик ҳамда бузилган ҳуқуқларни тиклаш бўйича зарур чора-тадбирлар кўриш;

фан, адабиёт ва санъат асарларини, шунингдек ушбу асарлар муаллифларини рўйхатдан ўтказиш, Ўзбекистон Республикаси ҳудудида муаллифлик ҳуқуқи ва турдош ҳуқуқлар объектдан фойдаланувчи юридик ва жисмоний шахслар ҳисобини юритиш;

муаллифларнинг, уларнинг ҳуқуқий ворисларининг ҳамда бошқа муаллифлик ҳуқуқи ва турдош ҳуқуқлар эгаларининг ҳуқуқлари ва қонунӣ манфаатларини, шу жумладан чет элларда, белгиланган тартибда ифодалаш;

муаллифлик ҳуқуқини ва турдош ҳуқуқларни ҳимоя қилиш соҳасида халқаро ҳамкорликни ривожлантириш.

2. Қуйидагилар:

Ўзбекистон муаллифлик ҳуқуқини ҳимоя қилиш республика агентлиги аппарати тузилмаси 1-иловага мувофиқ;

Ўзбекистон муаллифлик ҳуқуқини ҳимоя қилиш республика агентлиги тўғрисидаги низом 2-иловага мувофиқ тасдиқлансин.

3. Ўзбекистон муаллифлик ҳуқуқини ҳимоя қилиш республика агентлиги ходимларининг чекланган умумий сони 17 нафар, шу жумладан бошқарув ходимлари сони 10 нафар этиб белгилансин.

Ўзбекистон муаллифлик ҳуқуқини ҳимоя қилиш республика агентлиги бош директорига, зарурат бўлганда, агентлик тузилмасига ходимларнинг белгиланган чекланган умумий сони доирасида ўзгартиришлар киритиш ҳуқуқи берилсин.

4. Қуйидагилар:

Вазирлар Маҳкамасининг «Бутуниттифоқ муаллифлик ҳуқуқини ҳимоя қилиш вакиллигининг Ўзбекистон бўлимини Ўзбекистон Республикаси Муаллифлик ҳуқуқини ҳимоя қилиш вакилиги (агентлиги)га айлантириш тўғрисида» 1992 йил 30 январдаги 38-сон қарори;

Вазирлар Маҳкамасининг «Ўзбекистон Республикаси Вазирлар Маҳкамасининг 1992 йил 30 январдаги 38-сон қарорига ўзгартириш ва қўшимчалар киритиш тўғрисида» 1994 йил 13 августдаги 413-сон қарори ўз кучини йўқотган деб ҳисоблансин.


5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.А. Азизхўжаев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 16 июнь,
286-сон

Вазирлар Маҳкамасининг
2004 йил 16 июндаги 286-сон қарорига
1-ИЛОВА

**Ўзбекистон муаллифлик ҳуқуқини ҳимоя қилиш республика
агентлиги аппарати тузилмаси**



Ўзбекистон муаллифлик ҳуқуқини ҳимоя қилиш республика агентлиги ходимларининг чекланган умумий сони — 17 киши, шу жумладан: бошқарув ходимлари — 10 киши;
ишлаб чиқариш ходимлари (инспекторлар) — 4 киши;
ёрдамчи ходимлар — 3 киши.

Вазирлар Маҳкамасининг
2004 йил 16 июндаги 286-сон қарорига
2-ИЛОВА

**Ўзбекистон муаллифлик ҳуқуқини ҳимоя қилиш
республика агентлиги тўғрисида
НИЗОМ**

I. Умумий қоидалар

1. Ўзбекистон муаллифлик ҳуқуқини ҳимоя қилиш республика агентлиги (кейинги ўринларда Агентлик деб аталади) муаллифлик ҳуқуқини ва турдош ҳуқуқларни ҳимоя қилиш соҳасидаги вазифаларни ҳал этиш учун махсус ваколатли давлат бошқарув органи ҳисобланади.

Агентлик ўз фаолиятида Ўзбекистон Республикаси Вазирлар Маҳкамасига ҳисоб беради.

2. Агентлик ўз фаолиятида Ўзбекистон Республикаси Конституциясига ва қонунларига, Ўзбекистон Республикаси Олий Мажлиси қарорларига ва бошқа ҳужжат-

ларига, Ўзбекистон Республикаси Президентининг фармонлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, шунингдек ушбу Низомга амал қилади.

3. Агентлик ўз фаолиятини давлат бошқаруви бошқа органлари, маҳаллий давлат ҳокимияти органлари, жамоат бирлашмалари ва бошқа ташкилотлар билан ўзаро ҳамкорликда амалга оширади.

4. Агентликнинг моддий-техника таъминоти, шунингдек Агентлик тизими ходимлари меҳнатига ҳақ тўлаш шартнома асосида ижодий уюшмалар жамғармаларига маблағлар йиғишда Агентлик томонидан олинадиган воситачилик ажратмалари, шунингдек қонун ҳужжатларида тақиқланмаган бошқа манбалар ҳисобига амалга оширилади.

Харажатлар даромадлардан ошиб кетган тақдирда тафовут давлат бюджети ҳисобига қопланади.

5. Агентлик юридик шахс ҳисобланади, Ўзбекистон Республикаси Давлат герби тасвири туширилган ва ўз номи ёзилган муҳрга эга бўлади.

II. Агентликнинг вазифалари ва функциялари

6. Қўйидагилар Агентликнинг асосий вазифалари ҳисобланади:

муаллифлик ҳуқуқини ва турдош ҳуқуқларни ҳимоя қилиш соҳасида ягона давлат сиёсати амалга оширилишини таъминлаш;

муаллифлар, уларнинг ҳуқуқий ворислари ҳамда бошқа муаллифлик ҳуқуқи ва турдош ҳуқуқлар эгаларининг мулкӣ ҳуқуқларини тузилган шартномалар асосида амалга ошириш ва ҳимоя қилиш, муаллифлик ҳуқуқи ва турдош ҳуқуқларнинг бузилишига йўл қўймаслик ҳамда бузилган ҳуқуқларни тиклаш бўйича зарур чора-тадбирлар кўриш;

фан, адабиёт ва санъат асарларини, шунингдек ушбу асарлар муаллифларини рўйхатдан ўтказиш, Ўзбекистон Республикаси ҳудудида муаллифлик ҳуқуқи ва турдош ҳуқуқлар объектдан фойдаланувчи юридик ва жисмоний шахслар ҳисобини юритиш;

муаллифларнинг, уларнинг ҳуқуқий ворисларининг ҳамда бошқа муаллифлик ҳуқуқи ва турдош ҳуқуқлар эгаларининг ҳуқуқлари ва қонуний манфаатларини, шу жумладан чет элларда, белгиланган тартибда ифодалаш;

муаллифлик ҳуқуқини ва турдош ҳуқуқларни ҳимоя қилиш соҳасида халқаро ҳамкорликни ривожлантириш.

7. Агентлик ўзига юкланган вазифаларни бажариш учун қўйидаги функцияларни амалга оширади:

муаллифлик ҳуқуқи ва турдош ҳуқуқлар тўғрисидаги қонун ҳужжатларини такомиллаштириш масалалари бўйича таклифлар ишлаб чиқади ва уларни белгиланган тартибда Ўзбекистон Республикаси Вазирлар Маҳкамасига киритади;

муаллифлардан, уларнинг ҳуқуқий ворисларидан ҳамда бошқа муаллифлик ҳуқуқи ва турдош ҳуқуқлар эгаларидан олинган ваколатлар доирасида юридик ва жисмоний шахслар билан улар томонидан Ўзбекистон Республикаси ҳудудида ва чет элларда муаллифлик ҳуқуқи ҳамда турдош ҳуқуқлар объектларидан фойдаланиш юзасидан шартномалар тузади;

тузилган шартномалар асосида муаллифлик пулини тўплаш, тақсимлаш ва муаллифларга, уларнинг ҳуқуқий ворисларига ҳамда бошқа муаллифлик ҳуқуқи ва турдош ҳуқуқлар эгаларига тўлашни амалга оширади;

муаллифлар, уларнинг ҳуқуқий ворислари ҳамда бошқа муаллифлик ҳуқуқи ва турдош ҳуқуқлар эгаларининг ҳуқуқларини амалга оширишга кўмаклашади;

муаллифлар, уларнинг ҳуқуқий ворислари ҳамда бошқа муаллифлик ҳуқуқи ва турдош ҳуқуқлар эгаларининг қонуний манфаатларини, шу жумладан чет элларда, ифодалайди;

муаллифлик ҳуқуқи ва турдош ҳуқуқларнинг бузилишига йўл қўймаслик ва бузилган тақдирда уларни тиклаш бўйича зарур чора-тадбирлар кўради;

Ўзбекистон Республикаси тузган халқаро битимлардан келиб чиқадиган мажбуриятларнинг бажарилишини ўз ваколатлари доирасида таъминлайди;

фан, адабиёт ва санъат асарларини, шунингдек ушбу асарлар муаллифларини рўйхатдан ўтказиш, рўйхатдан ўтказилганлик тўғрисида белгиланган намунада гувоҳнома беради;

Ўзбекистон Республикаси ҳудудида муаллифлик ҳуқуқи ва турдош ҳуқуқлар объектларидан фойдаланувчи юридик ва жисмоний шахслар ҳисобини юритади;

муаллифлик ҳуқуқи ва турдош ҳуқуқлар соҳасидаги хорижий қонун ҳужжатларини ҳамда уларни қўлланиш тажрибасини ўрганади;

муаллифларнинг, улар ҳуқуқий ворисларининг ҳамда бошқа муаллифлик ҳуқуқи ва турдош ҳуқуқлар эгаларининг муаллифлик ҳуқуқи ва турдош ҳуқуқлар объектига мулкӣ ҳуқуқларини амалга ошириш ва ҳимоя қилиш билан шуғулланувчи хорижий ташкилотлар билан ўз ваколатлари доирасида битимлар ва шартномалар тузади;

муаллифларнинг, улар ҳуқуқий ворисларининг ҳамда бошқа муаллифлик ҳуқуқи ва турдош ҳуқуқлар эгаларининг муаллифлик ҳуқуқи ва турдош ҳуқуқлар объектига мулкӣ ҳуқуқларини амалга ошириш ва ҳимоя қилиш билан шуғулланувчи ташкилотлар фаолиятига кўмаклашади;

халқаро ва бошқа ташкилотлар томонидан муаллифлик ҳуқуқи ва турдош ҳуқуқлар масалалари бўйича ўтказиладиган илмӣ анжуманларда, симпозиумларда, конференцияларда, семинарларда ва бошқа тадбирларда қатнашади;

муаллифлик ҳуқуқи ва турдош ҳуқуқлар масалалари бўйича илмӣ конференциялар, семинарлар, курслар ва бошқа тадбирлар ташкил қилади.

III. Агентликнинг ҳуқуқлари ва жавобгарлиги

8. Агентлик ўзига юкланган вазифалар ва функцияларни бажариш учун қуйидаги ҳуқуқларга эга:

давлат органлари, жамоат бирлашмалари, корхоналар, муассасалар, ташкилотлар, мансбдор шахслардан зарур ахборотлар, ҳужжатлар ва материалларни белгиланган тартибда сўраш ва олиш;

ҳуқуқни муҳофаза қилиш ва бошқа ваколатли давлат органлари билан муаллифлик ҳуқуқи ва турдош ҳуқуқлар соҳасидаги бузилишларнинг олдини олиш бўйича ҳамкорлик қилиш;

муаллифлар ҳамда бошқа муаллифлик ҳуқуқи ва турдош ҳуқуқлар эгаларининг муаллифлик ҳуқуқини ва турдош ҳуқуқларни ҳимоя қилишга доир масалалар бўйича манфаатларини суд органларида ифодалаш;

муаллифлик ҳуқуқи ва турдош ҳуқуқлар масалалари бўйича эксперт хулосалари бериш;

муаллифлик ҳуқуқини ва турдош ҳуқуқларни ҳимоя қилиш соҳасидаги илмӣ-методик ва ахборот материаллари ҳамда бошқа нашрларни чоп этиш ва тарқатиш;

муаллифлар, уларнинг ҳуқуқий ворислари, бошқа муаллифлик ҳуқуқлари ва

турдош ҳуқуқлар эгалари ҳамда муаллифлик ҳуқуқи ва турдош ҳуқуқлар объектларидан фойдаланувчилар ўртасида шартномалар тузишда, тегишли ваколатларни беришда воситачилик қилиш.

Агентлик қонун ҳужжатларига мувофиқ бошқа ҳуқуқларга ҳам эга бўлиши мумкин.

9. Агентлик ўз ваколатлари доирасида, вазирликлар, давлат қўмиталари, идоралар, маҳаллий давлат ҳокимияти органлари, корхоналар, муассасалар, ташкилотлар, мансабдор шахслар ва фуқаролар учун бажариш мажбурий бўлган норматив-ҳуқуқий ҳужжатлар қабул қилишга ҳақлидир.

Агентлик, зарур ҳолларда, бошқа вазирликлар, давлат қўмиталари ва идоралар билан қўшма қарорлар ва бошқа ҳужжатлар чиқаришга ҳақлидир.

10. Агентлик ўзига юкланган вазифаларнинг самарали бажарилиши учун жавоб беради.

IV. Агентлик фаолиятини ташкил этиш

11. Ўзбекистон муаллифлик ҳуқуқини ҳимоя қилиш республика агентлигига қонун ҳужжатларида белгиланган тартибда лавозимга тайинланадиган ва лавозимдан озод қилинадиган бош директор бошчилик қилади.

Бош директорнинг бир нафар ўринбосари бўлади.

Бош директор мақомига кўра вазирнинг биринчи ўринбосарига, бош директор ўринбосари — вазир ўринбосарига тенглаштирилади.

12. Агентлик бош директори:

Агентлик фаолиятига яккабошчилик асосида умумий раҳбарлик қилади ҳамда Агентликка юкланган вазифалар ва функцияларнинг бажарилиши учун шахсан жавоб беради;

Агентлик тузилмасига ўзгартиришлар киритади, ходимларнинг белгиланган умумий сони доирасида штатлар жадвалини, шунингдек Агентлик харажатлари сметасини тасдиқлайди;

Агентлик ходимларини белгиланган тартибда лавозимга тайинлайди ва лавозимдан озод қилади.

Бош директор қонун ҳужжатларига мувофиқ бошқа ваколатларни амалга оширади.

13. Агентлик ўзига юкланган функцияларни амалга ошириш учун жойларда ходимларнинг чекланган умумий сони доирасида инспекторларга эга бўлиши мумкин.

14. Агентликни қайта ташкил этиш ва тугатиш қонун ҳужжатларида белгиланган тартибда амалга оширилади.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

276 Ўзбекистон Республикасида чакана савдо Қоидаларига қўшимча киритиш тўғрисида

Вазирлар Маҳкамаси **қарор қилади:**

Вазирлар Маҳкамасининг 2003 йил 13 февралдаги 75-сон қарори (Ўзбекистон Республикаси ҚТ, 2003 й., 2-сон, 15-модда) билан тасдиқланган Ўзбекистон Республикасида чакана савдо Қоидаларининг 60-бандига қуйидаги мазмундаги ўн биринчи хатбоши қўшилсин:

«аэропортларга, темир йўл вокзалларига ва автостанцияларга ёндош ҳудудларда, жамоат транспорти тўхташ жойларида, шу жумладан метрополитен бекатлари ёнида, жамоат жойларида ва дам олиш жойларида жойлашган кўчма ва турғун чакана савдо объектларидан»;

ўн биринчи хатбоши тегишли равишда ўн иккинчи хатбоши деб ҳисоблансин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2004 йил 16 июнь,
288-сон

БЕШИНЧИ БЎЛИМ

ЎЗБЕКИСТОН РЕСПУБЛИКАСИ ТАШҚИ ИҚТИСОДИЙ
АЛОҚАЛАР АГЕНТЛИГИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ БОЖХОНА ҚЎМИТАСИНИНГ
ҚАРОРИ

**277 Энг қулай режим яратган ҳолда савдо-иқтисодий
ҳамкорлик битимлари имзоланган мамлакатлар
рўйхатига қўшимча киритиш тўғрисида**

*Ўзбекистон Республикаси Адлия вазирлиги томонидан 2004 йил
14 июнда 426-3-сон билан давлат рўйхатидан ўтказилди*

(2004 йил 24 июндан кучга киради)

2001 йил 19 июнда Ўзбекистон Республикаси ва Миср Араб Республикаси Ҳукуматлари ўртасида тузилган Савдо тўғрисидаги битимнинг 2003 йилнинг 14 августда кучга кириши муносабати билан Ўзбекистон Республикаси Ташқи иқтисодий алоқалар агентлиги, Молия вазирлиги ва Давлат божхона қўмитаси **қарор қилди:**

1. Ўзбекистон Республикаси Ташқи иқтисодий алоқалар вазирлиги томонидан 1998 йил 1 апрелда, Молия вазирлиги томонидан 1998 йил 2 апрелда 23-сон ва Давлат божхона қўмитаси томонидан 1998 йил 3 апрелда 02/19-2-сон билан тасдиқланган (рўйхат рақами 426, 1998 йил 8 апрель) Энг қулай режим яратган ҳолда савдо-иқтисодий ҳамкорлик битимлар имзоланган мамлакатлар рўйхатига* қўшимча киритилсин.

2. Ушбу қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Ташқи иқтисодий алоқалар агентлиги раисининг биринчи
ўринбосари Н. НАЖИМОВ**

Тошкент ш.,
2004 йил 29 апрель,
НН-01/10-1693-сон

Молия вазири М. НУРМУРАТОВ

Тошкент ш.,
2004 йил 29 апрель,
71-сон

* Рўйхат рус тилидаги матнда берилди.

Давлат божхона қўмитаси раиси Б. МАТЛЮБОВ

Тошкент ш.,
2004 йил 29 апрель,
01-02/1-25-сон

ЎЗБЕКИСТОН RESPУБЛИКАСИ ТАШҚИ ИҚТИСОДИЙ
АЛОҚАЛАР АГЕНТЛИГИ
ЎЗБЕКИСТОН RESPУБЛИКАСИ МОЛИЯ ВАЗИРЛИГИ
ЎЗБЕКИСТОН RESPУБЛИКАСИ ДАВЛАТ БОЖХОНА ҚЎМИТАСИНING
ҚАРОРИ

278 Ўзбекистон Республикаси Ташқи иқтисодий алоқалар вазирлигида Ўзбекистон Республикаси хўжалик юритувчи субъектлари ўртасида тузиладиган бартер контрактлари (шартномалари, битимлари)ни рўйхатдан ўтказиш тўғрисидаги низомга ўзгартиришлар киритиш ҳақида

*Ўзбекистон Республикаси Адлия вазирлиги томонидан 2004 йил
14 июнда 989-1-сон билан давлат рўйхатидан ўтказилди*

(2004 йил 24 июндан кучга киради)

«Ташқи иқтисодий алоқалар соҳасида бошқарув тизимини янада эркинлаштириш ва такомиллаштириш тўғрисида»ги Ўзбекистон Республикаси Президентининг 2002 йил 21 октябрдаги ПФ–3151-сон Фармони, «Валюта операцияларини янада эркинлаштириш чора-тадбирлари тўғрисида»ги Ўзбекистон Республикаси Вазирлар Маҳкамасининг 2002 йил 1 октябрдаги 420-сон қарорини ижро этиш юзасидан Ўзбекистон Республикаси Ташқи иқтисодий алоқалар агентлиги, Молия вазирлиги ва Давлат божхона қўмитаси **қарор қилади:**

1. Ўзбекистон Республикаси Ташқи иқтисодий алоқалар вазирлиги, Молия вазирлиги ва Давлат божхона қўмитаси томонидан 2000 йил 30 июнда ЭГ-01/12/3411, 79, 02/20-34-сон билан тасдиқланган Ўзбекистон Республикаси Ташқи иқтисодий алоқалар вазирлигида Ўзбекистон Республикасининг хўжалик юритувчи субъектлари ўртасида тузиладиган бартер контрактлар (шартномалари, битимлари)ни рўйхатдан ўтказиш тўғрисидаги низомга (2000 йил 2 декабрь, рўйхат рақами 989-сон — Меъёрий ҳужжатлар ахборотномаси, 2000 й., 23-сон) иловага* мувофиқ ўзгартиришлар киритилсин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин амалга киритилсин.

* Илова рус тилидаги матнда берилади.

Ташқи иқтисодий алоқалар агентлиги раисининг биринчи
ўринбосари Н. НАЖИМОВ

Тошкент ш.,
2004 йил 5 май,
НН-01/10-1325-сон

Молия вазири М. НУРМУРАТОВ

Тошкент ш.,
2004 йил 5 май,
72-сон

Давлат божхона қўмитасининг раиси Б. МАТЛЮБОВ

Тошкент ш.,
2004 йил 5 май,
01-02/19-26-сон

ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ ВА
ТАДБИРКОРЛИКНИ ҚўЛЛАБ-ҚУВВАТЛАШ ДАВЛАТ ҚўМИТАСИНинг
ҚАРОРИ

279 Давлат мулки негизида ташкил этилган акциядор-
лик жамиятларининг акциялар пакетларини тартиб-
га солиниши муносабати билан уларнинг устав фондларини қай-
та ҳисоблаш услубиётини ўз кучини йўқотган деб ҳисоблаш
тўғрисида

(2004 йил 14 июнда давлат реестридан чиқарилди)

Ўзбекистон Республикаси Президентининг 2003 йил 24 январдаги ПФ-3202-сонли «Ўзбекистон иқтисодиётида хусусий секторнинг улуши ва аҳамиятини тубдан ошириш чора-тадбирлари тўғрисида»ги Фармониға мувофиқ, Ўзбекистон Республикаси Давлат мулкни бошқариш ва тадбиркорликни қўллаб-қувватлаш Давлат қўмитаси **қарор қилади:**

Давлат мулки негизида ташкил этилган акциядорлик жамиятларининг акциялар пакетларини тартибга солиниши муносабати билан уларнинг устав фондларини қайта ҳисоблаш услубиёти (1998 йил 27 март, рўйхат рақами 413-сон) ўз кучини йўқотган деб ҳисоблансин.

Давлат Мулкни бошқариш ва тадбиркорликни қўллаб-қувватлаш
Давлат қўмитаси раиси М. АСҚАРОВ

Тошкент ш.,
2004 йил 3 июнь,
01/06-11-сон

ЎЗБЕКИСТОН РЕСПУБЛИКАСИ МОНОПОЛИЯДАН ЧИҚАРИШ ВА
РАҚОБАТНИ РИВОЖЛАНТИРИШ ДАВЛАТ ҚЎМИТАСИНING
ҚАРОРИ

280 **Монопол маҳсулотлар, хом ашё ва материалларни биржа ва кимошди савдоларига қўйилишини назорат ва мониторинг қилиш тўғрисидаги низомни тасдиқлаш ҳақида**

*Ўзбекистон Республикаси Адлия вазирлиги томонидан 2004 йил
14 июнда 1369-сон билан давлат рўйхатидан ўтказилди*

(2004 йил 24 июндан кучга киради)

Ўзбекистон Республикаси Вазирлар маҳкамасининг 2004 йил 5 февралдаги 57-сонли «Маҳсулотлар, хом ашё ва материалларнинг юқори ликвидли турларини сотишнинг бозор механизмларини жорий этишни давом эттириш тўғрисида»ги қарори ва Ўзбекистон Республикаси Монополиядан чиқариш ва рақобатни ривожлантириш давлат қўмитаси тўғрисидаги низомга мувофиқ **қарор қилади:**

1. Илова* қилинаётган Монопол маҳсулотлар, хом ашё ва материалларни биржа ва кимошди савдоларига қўйилишини назорат ва мониторинг қилиш тўғрисидаги низом тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

Монополиядан чиқариш ва рақобатни ривожлантириш давлат қўмитаси раиси Ж. САЙФИДДИНОВ

Тошкент ш.,
2004 йил 11 май,
5-сон

* Илова рус тилидаги матнда берилади.

ЎЗБЕКИСТОН РЕСПУБЛИКАСИ ДАВЛАТ МУЛКИ ҚЎМИТАСИ ХУЗУРИДАГИ
ҚИММАТЛИ ҚОҒОЗЛАР БОЗОРИ ФАОЛИЯТИНИ МУВОФИҚЛАШТИРИШ ВА
НАЗОРАТ ҚИЛИШ МАРКАЗИ БОШ ДИРЕКТОРИНИНГ
БУЙРУҒИ

281 Қимматли қоғозлар бозорида андеррайтинг фаолияти тўғрисидаги низомга ўзгартириш ва қўшимчалар киритиш ҳақида

*Ўзбекистон Республикаси Адлия вазирлиги томонидан 2004 йил
14 июнда 860-1-сон билан давлат рўйхатидан ўтказилди*

(2004 йил 24 июндан кучга киради)

Ўзбекистон Республикаси Вазирлар Маҳкамасининг 1996 йил 30 мартдаги 126-сонли қарори билан тасдиқланган Ўзбекистон Республикаси Давлат мулки қўмитаси хузуридаги Қимматли қоғозлар бозори фаолиятини мувофиқлаштириш ва назорат қилиш маркази тўғрисидаги низомга асосан **буюраман**:

1. Ўзбекистон Республикаси Давлат мулки қўмитаси хузуридаги Қимматли қоғозлар бозори фаолиятини мувофиқлаштириш ва назорат қилиш маркази томонидан 1999 йил 21 декабрда тасдиқланган Қимматли қоғозлар бозорида андеррайтинг фаолияти тўғрисидаги низомга (1999 йил 28 декабр, рўйхат рақами 860-сон) ўзгартириш ва қўшимчалар иловага* мувофиқ тасдиқлансин.

2. Ушбу буйруқ Ўзбекистон Республикаси Адлия вазирлигида давлат рўйхати-га олинган кундан ўн кун ўтгач амалга киритилсин.

**Давлат мулки қўмитаси хузуридаги Қимматли қоғозлар бозори
фаолиятини мувофиқлаштириш ва назорат қилиш маркази
Бош директори М. ЮНУСМАТОВ**

Тошкент ш.,
2004 йил 3 июнь,
2004-10-сон

* Илова рус тилидаги матнда берилди.

ЎЗБЕКИСТОН RESPУБЛИКАСИ ДАВЛАТ СОЛИҚ ҚЎМИТАСИ
ЎЗБЕКИСТОН RESPУБЛИКАСИ ДАВЛАТ БОЖХОНА ҚЎМИТАСИНING
ҚАРОРИ

282 Юридик ва жисмоний шахслар томонидан истеъмол
товарларини олиб келиш ва сотиш тартиби тўғриси-
даги низомни ўз кучини йўқотган деб ҳисоблаш ҳақида

(2004 йил 14 июнда давлат реестридан чиқарилди)

Ўзбекистон Республикаси Вазирлар Маҳкамасининг 2002 йил 5 ноябрдаги «Вазирлар Маҳкамасининг «Тадбиркорлик фаолиятининг айрим турлари билан шуғулланишни тартибга солиш тўғрисида», 2002 йил 4 июндаги 197-сон қарорига қўшимчалар киритиш ҳақида 380-сон, 2002 йил 26 ноябрдаги «Юридик ва жисмоний шахсларни рўйхатдан ўтказишни ҳамда улар томонидан савдо фаолияти амалга оширилишини тартибга солиш чора-тадбирлари тўғрисида» 407-сон, 2003 йил 28 июндаги «Ноозиқ-овқат истеъмол товарлари билан савдо қилишни такомиллаштириш чора-тадбирлари тўғрисида» 330-сон, 2003 йил 16 октябрдаги «Ўзбекистон Республикаси Ҳукуматининг истеъмол товарларини олиб келиш ва сотиш масалалари бўйича айрим қарорларига ўзгартириш, қўшимчалар киритиш ва уларнинг айримларини ўз кучини йўқотган деб ҳисоблаш тўғрисида» 446-сон қарорларига мувофиқ **қарор қиламиз:**

2002 йил 31 августдаги Ўзбекистон Республикаси Давлат солиқ қўмитасининг 2002-71 ва Давлат божхона қўмитасининг 02/20-35-сон «Юридик ва жисмоний шахслар томонидан истеъмол товарларини олиб келиш ва сотиш тартиби тўғрисидаги низомни тасдиқлаш ҳақида»ги қарори (2002 йил 31 август, рўйхат рақами 1169-сон) ўз кучини йўқотган деб ҳисоблансин.

Давлат солиқ қўмитаси раиси Б. ПАРПИЕВ

Тошкент ш.,
2004 йил 4 июнь,
2004-38-сон

Давлат божхона қўмитаси раиси Б. МАТЛЮБОВ

Тошкент ш.,
2004 йил 4 июнь,
01-02/8-27-сон

ЎЗБЕКИСТОН РЕСПУБЛИКАСИ ХАЛҚ ТАЪЛИМИ ВАЗИРИНИНГ
БУЙРУҒИ**283 Оилавий болалар уйи тўғрисидаги низомни тасдиқлаш ҳақида**

*Ўзбекистон Республикаси Адлия вазирлиги томонидан 2004 йил
17 июнда 1370-сон билан давлат рўйхатидан ўтказилди*

(2004 йил 27 июндан кучга киради)

Ўзбекистон Республикаси Вазирлар Маҳкамасининг 1993 йил 19 майдаги 237-сонли қарори билан тасдиқланган «Ўзбекистон Республикаси Халқ таълими вазирлиги тўғрисида»ги низомга асосан, **буюраман:**

1. Оилавий болалар уйи тўғрисидаги низом иловага мувофиқ тасдиқлансин.
2. Мазкур буйруқ Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.
3. Ушбу буйруқ қабул қилиниши муносабати билан Халқ таълими вазирлигининг 2004 йил 31 мартдаги «Оилавий меҳрибонлик уйи тўғрисидаги низомни тасдиқлаш ҳақида»ги 56-сонли буйруғи ўз кучини йўқотган деб ҳисоблансин.
4. Мазкур буйруқнинг бажарилишини назорат қилиш вазирнинг биринчи ўринбосари Р. Аҳлиддинов зиммасига юклатилсин.

Халқ таълими вазири Т. ДЖУРАЕВ

Тошкент ш.,
2004 йил 17 июнь,
125-сон

Халқ таълими вазирининг
2004 йил 17 июндаги 125-сон буйруғи
билан
ТАСДИҚЛАНГАН

**Оилавий болалар уйи тўғрисида
НИЗОМ****I. Умумий қоидалар**

1. Оилавий болалар уйи маълум бир маҳалла (мавзе, қишлоқ, овул) ҳудудида жойлашган бўлиб, етим ва ота-она қарамоғидан маҳрум бўлган вояга етмаган болалар учун мўлжалланган тарбия масканидир.

Оилавий болалар уйларининг асосий вазифаси оила муҳитидан маҳрум бўлган болалар ва ўсмирларни соғломлаштириш, ақлий, психологик ривожлантириш, ижтимоий меҳнатга мослаштириш, уларни комил инсон қилиб шакллантиришни таъминлаш, ижтимоий-ҳуқуқий ҳимоя қилиш, уларнинг ижтимоий-иқтисодий турмуш тарзини қарор топтиришда оила шарт-шароитларини яратишдан иборатдир.

2. Оилавий болалар уйлари туман (шаҳар) ҳокимликларининг халқ таълими

бўлимлари томонидан шу бўлимлар қошидаги васийлик ва хомийлик органларининг тавсиясига кўра ташкил этилади ҳамда уларнинг (ХТБ ларининг) доимий назоратида бўлади.

3. Оилавий болалар уйлари ўз фаолиятида Ўзбекистон Республикаси Конституциясига, қонунларига, ҳукумат қарорларига, фармойишларига ва бошқа меъёрий ҳужжатларга ҳамда ушбу Низомга амал қилади.

4. Битта оилавий болалар уйида тарбияланувчиларнинг сони 5 нафардан кам бўлмаган ва 7 нафардан кўп бўлмаслиги керак. Болалар уйи тарбияланувчиларининг таълим олиши ва уларнинг соғлиғи туман (шаҳар) халқ таълими, соғлиқни сақлаш бўлимлари назоратида бўлиши керак.

II. Таълим-тарбия ишларини йўлга қўйиш

5. Оилавий болалар уйи тарбияланувчиларининг таълим олиши яқин жойлашган мактабгача таълим муассасалари, умумий ўрта таълим мактаблари, академик лицейлар, касб-хунар коллежларида амалга оширилади.

6. Етим, ота-она қарамоғидан маҳрум бўлган болалар таълим-тарбияси, касб танлаш ишлари, болалар келажagini белгилаш билан боғлиқ бошқа масалалар улар билим олаётган таълим-тарбия муассасаси раҳбарияти, педагоглар жамоаси, оилавий болалар уйини ташкил этган туман (шаҳар) халқ таълими бўлими қошидаги васийлик ва хомийлик органи ва тарбиячи ота-оналар томонидан ҳамкорликда хал этилади.

7. Оилавий болалар уйларидаги таълим-тарбия ишлари етим ва ота-она қарамоғидан маҳрум бўлган болаларнинг рухий-физиологик ривожланишнинг хусусиятларини ҳисобга олган ҳолда демократик ва инсонпарварлик, таълимга қўйилган замонавий талаблар асосида, ўқув дастурларини, маънавий, жисмоний ва меҳнат тарбиясининг амалдаги тамойилларига қатъий амал қилган ҳолда ташкил этилади.

8. Оилавий болалар уйининг тарбиячи ота-оналари Ўзбекистон Республикасида амалда бўлган қонунларга асосланган ҳолда болаларни саломатлигини муҳофаза қилиш, уларнинг ҳуқуқлари ва манфаатларини ҳимоя қилиш, уларнинг келажак ҳаёти ва турмушини ташкил этиш ва шу мақсадда самарали усуллар танлашда мустақилдирлар.

III. Тарбияланувчилар

9. Оилавий болалар уйларига туман (шаҳар) халқ таълими бўлимлари қошидаги васийлик ва хомийлик органлари йўлланмасига биноан етим, ота-она қарамоғидан маҳрум бўлган вояга етмаган болалар қабул қилинади:

10. Оилавий болалар уйига 3 ёшдан 14 ёшгача бўлган ҳамда рухий ривожланишида нуқсони бўлмаган болалар жойлаштирилади.

11. Оилавий болалар уйларига юбориладиган ҳар бир боланинг қуйидаги ҳужжатлари васийлик ва хомийлик органлари томонидан оилавий болалар уйига тақдим этилади:

ҳоқимликнинг етим ва ота-она қарамоғидан маҳрум бўлган болалар муассасаларига жойлаштириш ҳақидаги қарори (қарорда балоғатга етмаган бола, унинг оиласи ижтимоий келиб чиқиши, фаолияти ҳақида асосланган, тўлиқ маълумотлар бўлиши шарт);

туғилганлик тўғрисидаги гувоҳнома, гувоҳнома бўлмаган тақдирда боланинг ёшини тасдиқловчи тиббий экспертиза хулосаси;

боланинг соғлиғи ҳақидаги ҳужжат (тиббий текширишлар, жумладан, психоневролог, нарколог, тери-таносил касалликлари бўйича врач кўриклари, ташхис натижалари илова қилинади);

маълумоти ҳақида ҳужжат (мактаб ёшидаги болалар учун);

болаларнинг ота-онаси ҳақида маълумот (ота-онасининг вафоти ҳақидаги гувоҳнома нусхаси, суднинг ҳукми ёки қарори, ота-онасининг сурункали касаллиги ёки кидирувда эканлиги ҳақида, ота-онасининг йўқлиги ёки уларнинг ўз фарзандларини тарбиялай олмаслиги ҳақидаги бошқа ҳужжатлар);

боланинг турмуш шароити ва тарбияси ҳақидаги васийлик ва ҳомийлик органлари комиссиясининг текширув далолатномаси;

боланинг ака-укалари, опа-сингиллари ва бошқа яқин қариндошлари мавжудлиги ва уларнинг яшаш жойлари ҳақида маълумотнома;

боланинг ота-онасидан қолган мол-мулки (агар бор бўлса, рўйхати, бу мулкнинг қаерда жойлашганлиги, уни сақлаш учун қандай чоралар кўрилганлиги ва уларни сақлаш учун жавобгар шахслар ҳақида маълумот);

болаларга турар жой бириктирилганлиги тўғрисидаги ҳужжатлар;

пенсия олувчи болаларнинг пенсия дафтарчаси, бола фойдасига алиментлар ундириш ҳақидаги суд қарори ва омонат дафтарчаси.

12. Оилавий болалар уйларида чикиб кетаётган тарбияланувчиларга қуйидаги ҳужжатлар берилади:

туғилганлик тўғрисидаги гувоҳнома, 16 ёшга тўлганда эса паспорт;

оилавий болалар уйларида бўлганлиги ҳақидаги маълумот;

соғлиғи ҳақида маълумотнома (тиббий ҳужжатлар);

маълумоти ҳақидаги ҳужжат (мактаб ёшидаги болалар учун);

ота-онаси ёки яқин қариндошлари ҳақидаги маълумотнома;

боланинг мол-мулки, пул маблағларига, турар жойга (ўзи ёки ота-онасига қарашли бўлган) эгаллик қилиш ҳуқуқини тасдиқловчи ҳужжатлар, пенсия ва омонат дафтарчалари, алиментлар ундириб олиш тўғрисидаги ижро варақаси ва шахсий ҳужжатлар йиғма жилдидан бошқа ҳужжатлар;

боланинг моддий ва пул нафақаси олганлигини тасдиқловчи ҳужжат.

Юқоридаги ҳужжатлар оилавий болалар уйи ота-оналарининг талабларига мувофиқ туман (шаҳар) халқ таълими бўлимларидан берилади.

13. Тарбияланувчиларни фарзандликка берилаётганда ёки ўз ота-оналари, яқин қариндошлари ёнига қайтиб бораётганида оилавий болалар уйидан чиқариш васийлик ва ҳомийлик органлари орқали амалга оширилади. Оилавий болалар уйида тарбияланаётган болаларнинг яқин қариндошлари билан учрашиши фақат васийлик ва ҳомийлик органлари рухсати билан амалга оширилади.

14. Оилавий болалар уйига болаларни жойлаштириш ушбу болалар уйи ва туман (шаҳар) халқ таълими бўлимларининг васийлик ва ҳомийлик органлари ўртасида тузилган келишув асосида амалга оширилади.

15. Оилавий болалар уйига 5 нафардан кам бўлмаган ва 7 нафардан кўп бўлмаган сонда болалар берилиши мумкин. Тарбиячи ота-оналарнинг ўз фарзандлари ҳам оилавий болалар уйи тарбияланувчилари билан бирга тарбияланади. 10 ёшга тўлган болаларни оилавий болалар уйига жойлаштириш учун боланинг розилиги олинади.

16. Оилавий болалар уйига жойлаштириш вақтида уни этник жиҳатдан келиб чиқиши, миллати, тили ва соғлиғига эътибор берилиши лозим. Бир тилда гаплашадиган болаларни битта оилавий болалар уйига жойлаштириш мақсадга мувофиқдир. Бир оилада тарбия кўрган ака-ука, опа-сингилларни бир-биридан ажратиш тавсия этилмайди.

17. Оилавий болалар уйларида тарбияланувчиларнинг яшаши, тарбияси ва билим олиши тўлиқ давлат таъминоти асосида амалга оширилади. Оилавий болалар уйида тарбияланаётган болалар етим ва ота-она қарамоғидан маҳрум бўлган болаларга бериладиган имтиёзлардан тўлиқ фойдаланадилар ва ишга жойлашишларига қадар давлат томонидан таъминланадилар.

18. Вазирлар Маҳкамасининг 2002 йил 25 январдаги 33-сонли «Аҳолининг ижтимоий ҳимояга муҳтож қатламларини аниқ йўналтирилган тарзда қўллаб-қувватлашнинг 2002-2003 йилларда мўлжалланган дастурини амалга ошириш чора-тадбирлари тўғрисида»ги қарорининг 3-банди оилавий болалар уйларининг тарбияланувчиларига ҳам тааллуқлидир.

19. Оилавий болалар уйларининг тарбияланувчиларини ўқишга ва ишга жойлашишига маҳаллий ҳокимликлар кўмаклашадилар.

IV. Болаларни оилавий болалар уйига қабул қилиш ва ҳужжатларни расмийлаштириш

20. Тарбиячи ота-она бўлишни истаган фуқаролар туман (шаҳар) халқ таълими бўлими қошидаги васийлик ва ҳомийлик органларига ўзларига тегишли қуйидаги ҳужжатларни тақдим этадилар:

тарбиячи бўлиш истагини билдирган ота ёки онанинг аризаси;

барча оила аъзоларининг фикр ва мулоҳазалари;

маҳалла кенгашидан турар жойи, яшаш шароити, оилавий муҳити ҳақида маълумот;

шахсни тасдиқловчи ҳужжат (паспорт);

оилавий болалар уйи тарбиячи ота-оналарининг никоҳ қайд этилганлиги тўғрисидаги гувоҳноманинг нусхаси;

оилавий болалар уйи тарбиячи ота-оналарнинг маълумоти ҳақидаги ҳужжат нусхаси;

оилавий болалар уйи тарбиячи ота-оналарнинг меҳнат дафтарчасидан нусха;

иш жойидан тавсифнома;

оила аъзоларининг соғлиғи ҳақида тиббий маълумот;

яшаш майдони ҳақида маълумот.

21. Васийлик ва ҳомийлик органлари бир ой ичида юқоридаги ҳужжатлар асосида масалани кўриб чиқади ва ҳал этиш учун туман (шаҳар) халқ таълими бўлими қошидаги тиббиёт, ҳуқуқ-тартибот, меҳнат ва аҳолини ижтимоий муҳофаза қилиш бўлимлари ходимларидан ташкил этилган комиссияга тақдим этади.

22. Васийлик ва ҳомийлик органлари тарбиячи ота-оналарни узлуксиз малакасини ошириш масалалари билан шуғулланади ва болалар билан олиб борилаётган оилавий таълим-тарбия ишларини 6 ойда бир мартаба текшириб боради.

V. Оилавий болалар уйи тарбиячи ота-оналарининг ҳуқуқ ва бурчлари

23. Оилавий болалар уйининг тарбиячи ота-оналари Ўзбекистон Республикаси қонунларида ва «Бола ҳуқуқлари тўғрисида»ги Конвенцияда ҳар бир бола учун кўзда тутилган барча ҳуқуқларни, ҳеч қандай камситишларсиз, оилавий болалар уйида тарбияланаётган боланинг ирқи, терисининг ранги, жинси, тили, дини, сиёсий ёки бошқа эътиқодлари, миллий, этник ёки ижтимоий келиб чиқиши, мулкӣ аҳволи,

соғлиғи ва туғилиши ёки бирон-бир бошқа ҳолатлардан қатъи назар, ҳурмат қилдилар ҳамда шу ҳуқуқларни тарбияланувчиларга таъминлаб берадилар.

24. Тарбиячи ота-оналар (эр-хотин) боланинг тарбияси учун масъул ҳисобланади.

25. Тарбиячи ота-она Ўзбекистон Республикаси фуқароси бўлиб, 25 ёшга тўлган, Ўзбекистон ҳудудида яшайдиган, соғлом ва маънавий комил инсон бўлиши шарт. Тарбиячи ота-она ва тарбияланувчи болалар орасида ёш тафовути 15 ёшдан кам бўлиши мумкин эмас.

26. Тарбиячи ота-она бўлиши мумкин бўлмаган шахслар:
суд томонидан ота-оналик ҳуқуқидан маҳрум этилганлар;
суд томонидан муомалага лаёқатсиз деб топилган шахслар;
соғлиғининг ҳолатига кўра болани тарбиялаш мажбуриятини бажара олмайди-
ган шахслар.

27. Тарбиячи ота-она, амалдаги қонунлар доирасида «Бола ҳуқуқлари тўғрисидаги Конвенция» қоидаларини бузмаган ҳолда болалар уйи тарбияланувчиларини мустақил тарбиялаш услубидан фойдаланиш ҳуқуқига эга.

28. Тарбиячи ота-она ўз вазифасини бажараётган вақтида бола тарбиясига жисмонан ва руҳан соғлиғига зарар кўрсатмаган ҳолда эътибор бериши керак. Тарбия жараёнида болага қўпол муомалада бўлиш ёки унинг шахсини камситиш ҳолатлари бўлиши қатъиян ман этилади.

29. Тарбиячи ота-она бола учун ўқув юртини танлаши, ўқиши учун ҳамма шароитларни яратишда кўмаклашади.

30. Тарбиячи ота-она болани ҳар томонлама таълим олишига ва соғлиғи учун масъул.

31. Тарбиячи ота-она ўз мажбурияти ва бурчларини бузган ҳолда амалдаги қонунчиликка мувофиқ жавобгар бўладилар.

32. Оилавий болалар уйига берилаётган моддий ёрдам фақат унда тарбияланаётган болалар эҳтиёжи учун сарф қилиниши керак.

33. Тарбиячи ота-она 1 йилда 1 маротаба туман (шаҳар) васийлик ва ҳомийлик органига болаларнинг соғлиғи, олиб борилаётган тарбиявий ишлари ва келиб чиққан муаммолар ҳамда ҳудудий молия бўлимларига молиявий харажатлар ҳақида умумий ҳисобот бериши шарт, шунингдек ўзи яшайдиган маҳалла кенгашига ҳам ахборот бериб боради.

34. Тарбиячи ота-она узоқ муддат касал бўлиб қолган ёки вафот этган тақдирда васийлик ва ҳомийлик органи оилавий болалар уйига барча тегишли ҳужжатларни ўрнатилган тартибда расмийлаштириб, бошқа шахсларни (ўша оила аъзосидан) раҳбар этиб тайинлаш ҳуқуқига эга.

35. Тарбиячи ота-она дам олиш ва соғломлаштириш муассасаларига маҳаллий ҳокимлик ва унинг бўлинмалари, касаба уюшмалари томонидан ажратиладиган оилавий йўлланма олиш ҳуқуқига эга.

VI. Молиявий-хўжалик фаолияти

36. Оилавий болалар уйларининг биноси техника хавфсизлиги ҳамда санитария-гигиена қоидаларига мувофиқ бўлиши керак.

37. Оилавий болалар уйларини маблағ билан таъминлаш маҳаллий бюджетлар ва ҳомийлар томонидан ажратилган хайрия ёки ҳомийлик маблағлари ва қонунчилик билан таъқиқланмаган бошқа маблағлар ҳисобидан амалга оширилади.

38. Оилавий болалар уйининг харажатлари у жойлашган ҳудуддаги туман ёки

шаҳар молия бўлимлари томонидан маҳаллий бюджетлар ҳисобига молиялаштирилади.

Молиявий маблағлар бир йил учун тасдиқланган харажатлар сметаси асосида ушбу муассаса жойлашган ҳудуддаги туман ёки шаҳар халқ таълими бўлимлари орқали оилавий болалар уйининг ота-оналаридан бирининг номига очилган банк ҳисоб рақамига пул ўтказиш йўли билан ажратилади.

Оилавий болалар уйининг харажатларини қоплаш тарбиячи ота-оналарнинг хоҳишига кўра нақд пул ёки пул ўтказиш йўли билан амалга оширилади. Оилавий болалар уйи учун йил давомида ажратилган ва сарф қилинмаган маблағлар, қисқартирилмасдан кейинги йил ҳисобига ўтказилади.

39. Оилавий болалар уйлари тарбиячи ота-оналарининг иш ҳақлари амалдаги қонунчиликка мувофиқ «Меҳрибонлик уйлари» тарбиячилари иш ҳақларига қўлланиладиган меъёрлар (иш ҳақига қўшимчалар билан биргаликда) асосида ҳисоб-китоб қилиниб, тўланади.

40. Оилавий болалар уйлари тарбияланувчиларини кийим-бош, пойабзал, юмшоқ жиҳозлар, шахсий гигиена жиҳозлари, ўйинлар билан таъминланиш харажатлари «Меҳрибонлик уйлари» га қўлланиладиган меъёрлар асосида ҳисоб-китоб қилинади.

41. Оилавий болалар уйлари ташкил қилинган хонадонларнинг коммунал хизматлар (табiiй газ, иссиқ сув, совуқ сув, оқова ва уй-жойдан фойдаланиш учун тўловлар) ва электроэнергия харажатлари асосан бюджет харажатлари орқали қопланади. Ушбу харажатлар учун ҳомийлар ҳисобидан мақсадли маблағлар ажратиши мумкин.

42. Оилавий болалар уйлари тарбияланувчилари «Тўлиқ давлат таъминотидаги етим болаларни ва ота-она қаровисиз қолган болаларни пул нафақалари ҳамда кийим-бош, пойабзал ва анжомлар сотиб олиш учун нафақалар, шунингдек транспортда юриш қарточкалари билан таъминлаш тартиби тўғрисидаги низомда (2002 йил 11 ноябрь, рўйхат рақами 1187-сон) белгиланган тартиб бўйича, бюджет маблағлари ҳисобига транспортда имтиёзли юриш ҳуқуқини берувчи қарточкалар ҳамда таълим муассасаларини битириб чиқаётганда ва ишга жойлашаётганда кийим-бош пойабзал ва анжомлар сотиб олиш учун нафақалар билан таъминланадилар.

43. Бюджетдан ажратилган маблағларнинг ҳисоб-китоби оилавий болалар уйлари учун энг соддалаштирилган кўринишда, яъни маблағларнинг ҳисоб рақамига келиб тушиши ва харажат қилинишини акс эттириш йўли билан амалга оширилади. Ушбу ҳисобот ҳар ойда тегишли шаҳар ёки туман халқ таълими бўлимига топширилади.

Шаҳар ёки туман халқ таълими бўлимлари марказий ҳисобхоналари оилавий меҳрибонлик уйларида ҳисоб-китоб ишларини юритилишида ва банк муассасалари билан муомалаларида ҳар томонлама амалий ёрдам кўрсатишлари шарт.

VII. Оилавий болалар уйи фаолиятининг тугатилиши

44. Оилавий болалар уйининг фаолияти амалдаги қонунчиликда белгиланган асослар ва тартибда тугатилиши мумкин. Жумладан,
суднинг қарорига биноан;
тарбиячи ота-она аризасига асосан (ота-оналардан биронтаси оламдан ўтган бўлса);
тарбиячи ота-она томонидан болаларга зулм ўтказилаётган ҳолатда;
болалар ўз оилаларига қайтган тақдирда;
тарбиячи ота-оналар соғлиғи билан боғлиқ ҳолатда.

ЎЗБЕКИСТОН РЕСПУБЛИКАСИ ИҚТИСОДИЕТ ВАЗИРЛИГИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ҚАРОРИ

**284 «Ўзагромашсервис» уюшмаси МТПларининг 2004 йил
ғалла ҳосилини ўриш бўйича кўрсатган хизматлари
ҳақини тўлаш тартиби тўғрисидаги низомни тасдиқлаш ҳақида**

*Ўзбекистон Республикаси Адлия вазирлиги томонидан 2004 йил
18 июнда 1371-сон билан давлат рўйхатидан ўтказилди*

(2004 йил 28 июндан кучга киради)

«Ўзагромашсервис» уюшмаси МТПларининг 2004 йил ғалла ҳосилини ўриш бўйича кўрсатган хизмат ҳақларини ўз вақтида ва тўлиқ тўланишини ташкил этиш мақсадида **қарор қиламиз:**

1. «Ўзагромашсервис» уюшмаси МТПларининг 2004 йил ғалла ҳосилини ўриш бўйича кўрсатган хизматлари ҳақини тўлаш тартиби тўғрисидаги Низом иловага мувофиқ тасдиқлансин.

2. Ушбу қарор Ўзбекистон Республикаси Адлия вазирлигида рўйхатдан ўтган кундан бошлаб кучга киради ва 2004 йил 1 сентябргача бўлган муддатда амалда бўлади.

Иқтисодиёт вазири Р. АЗИМОВ

Тошкент ш.,
2004 йил 31 май,
34-сон

Молия вазири М. НУРМУРАТОВ

Тошкент ш.,
2004 йил 31 май,
79-сон

Иқтисодиёт вазирлиги,
Молия вазирлигининг
2004 йил 31 майдаги
34, 79-сон қарори билан
ТАСДИҚЛАНГАН

**«Ўзагромашсервис» уюшмаси МТПларининг 2004 йил ғалла
ҳосилини ўриш бўйича кўрсатган хизматлари ҳақини тўлаш
тартиби тўғрисидаги
НИЗОМ**

Мазкур Низом Ўзбекистон Республикаси Вазирлар Маҳкамасининг 2004 йил 26 апрелдаги «2004 йил бошоқли дон экинлари ҳосилини йиғиштириб олишга доир ташкилий чора-тадбирлар тўғрисида»ги 200-сонли қарорига мувофиқ «Ўзагромаш-

Ўзбекистон Республикаси Қонун ҳужжатлари тўплами, 2004 й.

сервис» уюшмаси МТПларининг 2004 йил ғалла ҳосилини ўриш бўйича кўрсатган хизмат ҳақларини ўз вақтида ва тўлиқ тўланишини таъминлаш мақсадида ишлаб чиқилган.

1. Адлия вазирлигида 1999 йил 1 мартда 657-сон билан рўйхатдан ўтган «Давлат эҳтиёжлари учун харид қилинадиган қишлоқ хўжалик маҳсулотларининг ҳисоб-китоб жамғармаси» маблағлари ҳисобидан топширилган қишлоқ хўжалик маҳсулотлари учун якуний ҳисоб-китобларда тўловларни амалга ошириш тартиби»га кўра, «Ўздонмаҳсулот» ДАК корхоналарининг 22602-сонли аккредитив ҳисоб-рақамларидан ширкат ва фермер хўжаликлари томонидан тақдим этилган тўлов ҳужжатларига мувофиқ якуний ҳисоб-китоб қилиш учун маблағ йўналтирилади.

2. «Ўзағромашсервис» уюшмасининг МТПлари 2004 йил ғалла ўрими бошлангунга қадар ғалла топширувчи ширкат ва фермер хўжаликлари билан тузилган шартномаларга асосан:

ўриладиган ғалла майдонларини;

ғалла ўрими бўйича бажариладиган ишлар ҳажмларини;

ҳақдорлик ва қарздорликни ҳисобга олган ҳолда талаб этиладиган маблағлар тўғрисидаги маълумотларни ҳар бир ширкат ва фермер хўжалиги қирқимида хизмат кўрсатувчи тижорат банклари бўлинмалари орқали Марказий банкнинг вилоят Бош бошқармаларига тақдим этадилар.

Марказий банкнинг вилоят Бош бошқармалари ушбу маълумотларни жамлаб АТ Ғаллабанкнинг вилоят минтақавий филиалларига ва Марказий банкка тақдим этади. Маълумотлар ўз вақтида Марказий банкда ва Республика Ғаллабанкида жамланиб, Молия вазирлиги ҳузуридаги «Давлат эҳтиёжлари учун харид қилинадиган қишлоқ хўжалик маҳсулотлари ҳисоб-китоби» Жамғармасига тақдим этилади.

3. «Ўзағромашсервис» уюшмаси МТПлари ғалла ўрими бошланиши билан ҳар бир ширкат ва фермер хўжалиги майдонини ўришга тушишдан олдин, ғалла ўрими бўйича шартномага асосан бажариладиган иш ҳажмини, ҳақдорлик, қарздорликни ҳисобга олган ҳолда далолатнома (1-илова) асосида расмийлаштиради ва ўрим бўйича тегишли хизмат кўрсатади.

Тегишли далолатнома тузилмасдан (ўрим ҳақи олдиндан 100% тўланган ҳолатлардан ташқари) хизмат кўрсатиш (ғалла ўриш) тақиқланади. Ушбу далолатнома ғалла ўриб берилгандан сўнг, хизмат кўрсатувчи банкка тўлов талабномаларини тақдим этиш учун асос ҳисобланади ва МТП томонидан 1 иш куни муддатида ўзига хизмат кўрсатувчи банкка тақдим этилиши шарт.

4. Туман МТПларига хизмат кўрсатувчи АТ Пахтабанк ва бошқа тижорат банклари бўлимлари (филиаллари) томонидан ҳар 5 кунда мавсум давомида МТПлар бажарган ишлар ҳажми билан улар томонидан қўйилган тўлов талабномаларининг мутаносиблиги назорат қилиб борилади.

5. 2004 йил дон ўрими мавсумида ПК-10 квитанцияларига асосан ширкат(фермер) хўжаликларига ажратиладиган маблағ ҳисобидан туман МТПлари томонидан қўйилган тўлов талабномалари тўланишини мувофиқлаштириш АТ Пахтабанкнинг вилоят бошқармалари томонидан амалга оширилади.

6. Дон етиштирувчи ширкат ва фермер хўжаликларига хизмат кўрсатувчи тижорат банклари бўлимлари (филиаллари) МТПлар томонидан ҳақиқатда тақдим этилган тўлов ҳужжатлари тўғрисидаги маълумотларни (ҳар бир ширкат (фермер) хўжаликлари қирқимида) АТ Пахтабанкнинг вилоят бошқармаларига тақдим этадилар.

АТ Пахтабанкнинг вилоят бошқармалари 1 кун муддатда ширкат (фермер) хўжаликларининг ҳисоб рақамларига ҳақиқатда қўйилган ва уларга хизмат кўрса-

тувчи банк бўлимлари (филиаллари) томонидан тасдиқланган тўлов талабномалари тўғрисидаги (ҳар бир туман ширкат (фермер) хўжаликлари қирқимида) маълумотларни умумлаштирган ҳолда, вилоят Пахтабанк бошқармалари билан вилоят МТП бирлашмалари томонидан тасдиқланган ҳолда АТ Фаллабанк вилоят минтақавий филиалларига тақдим этади.

7. АТ Фаллабанкнинг тегишли вилоят минтақавий филиаллари ҳар куни «Ўзагро-ромашсервис» уюшмасининг вилоят МТПлар бирлашмаларига, АТ Пахтабанкнинг вилоят бошқармасига ширкат ва фермер хўжаликлари томонидан тақдим этилган ПК-10 қвитанцияларига асосан ширкат (фермер) хўжалигига топширилган ғалла учун ҳақиқатда тўланадиган маблағ тўғрисидаги маълумотларни туманлар ва ширкат (фермер) хўжаликлари қирқимида тақдим этади.

АТ Пахтабанкнинг вилоят бошқармаси ушбу маълумотларни туман МТПларига хизмат кўрсатувчи ўз бўлимларига ва бошқа тижорат банклари бўлимларига (филиалларига) еткази.

8. АТ Фаллабанкнинг вилоят минтақавий филиаллари топширилган ғалла учун ҳақиқатда тақдим этилган тўлов ҳужжатлари (ПК-10 ва бошқалар) ва АТ Пахтабанкнинг вилоят бошқармаларидан олинган ширкат (фермер) хўжалиқларининг ҳисоб рақамларига МТПлар томонидан қўйилган тўлов талабномалари тўғрисидаги маълумотлардан келиб чиқиб МТП хизматлари бўйича тўловлар учун маблағларга талабни аниқлайди.

Ушбу маблағларга талабни аниқлашда мазкур Низомнинг 2-бандига мувофиқ МТПлардан олинган ўриладиган ғалла майдонидан келиб чиқиб кўрсатиладиган механизациялашган ишлар ҳажми тўғрисидаги ҳисоб-китоблар асос ҳисобланади.

9. АТ Фаллабанк ҳар куни Молия вазирлиги ҳузуридаги Жамғармага 23204-сонли муваққат ҳисоб рақами орқали МТПлар кўрсатган хизмат бўйича тўловлар учун қишлоқ хўжалик корхоналарига йўналтирилиши лозим бўлган маблағлар тўғрисида буюртма беради.

10. Молия вазирлиги ҳузуридаги Жамғарма АТ Фаллабанкдан олинган буюртмаларга мувофиқ 23204-сонли ҳисоб рақами орқали қишлоқ хўжалик корхоналарига босқичма-босқич якуний ҳисоб-китоб бўйича МТПлар кўрсатган хизматлар учун тўловларни амалга оширишга маблағ ажратади.

Ўз навбатида, АТ Фаллабанк тақдим этилган ПК-10 қвитанцияларига асосан ҳақиқатда топширилган ғалла учун ширкат ва фермер хўжалиқларининг 23204-сонли муваққат ҳисоб рақамларига маблағ ўтказиб беради.

11. 2004 йил ғалла ҳосили якуний ҳисоб-китоблари учун ширкат (фермер) хўжалиқларининг 23204-сонли муваққат ҳисоб рақамларига тушган маблағлар тўлов талабномалари белгиланган тартибда акцептлангандан сўнг ғалла ҳосилини етиштириш бўйича кўрсатилган хизматлар ҳақини тўлаш учун «Ўзагро-ромашсервис» уюшмаси МТПларининг 23204-сонли муваққат ҳисоб рақамларига ўтказилади.

12. «Ўзагро-ромашсервис» уюшмаси машина трактор паркларининг 23204-сонли махсус ҳисоб рақамларига тушган маблағлар Ҳукумат кафолати асосида қишлоқ хўжалик техникаларини сотиб олишга жалб этилган чет эл кредити тўловлари учун тўлиқ ҳажмда туман МТПларидан тўғридан-тўғри ва вилоят МТПлари бирлашмалари орқали «Таъминотчи-Пахта» акциядорлик жамиятига ва «Ўзсаноатмашимпэкс» ДАК га йўналтирилади.

«Таъминотчи-Пахта» АЖ ва «Ўзсаноатмашимпэкс» ДАКнинг 23204-сонли махсус ҳисоб рақамларига келиб тушган маблағлар тўлиқ ҳажмда чет эл кредити бўйича қарзларни сўндиришга йўналтирилиши шарт.

13. Топширилган ғалла учун ширкат (фермер) хўжалиқларининг бошқа ҳисоб

рақамларига маблағ йўналтириш, «Ўзагромашсервис» уюшмаси МТПлари 2004 йил ғалла ҳосилини ўриб олишда кўрсатган хизматлари ҳақлари тўлаб берилишидан келиб чиққан ҳолда Жамғарма томонидан мувофиқлаштирилиб борилади.

14. Ушбу Низомга асосан, жойларда ишни ташкил этишга Вазирлар Маҳкамасининг 2004 йил 26 январдаги (03-28-15-сонли) баёнига мувофиқ қишлоқ хўжалик корхоналарига етказиб берилган моддий ресурслар учун ҳисоб-китобларни амалга ошириш бўйича ҳудудларга бириктирилган раҳбарлар, Сирдарё ва Жиззах вилоятлари бўйича эса «Ўзагромашсервис» уюшмаси раиси (Нишонов) масъул этиб тайинланади (2-илова*).

15. Ушбу Низомга риоя этилиши бўйича жавобгарлик шахсан МТП ва хизмат кўрсатувчи тижорат банклари бўлим раҳбарлари ҳамда бош бухгалтерлари зиммасига юклатилади.

16. Ушбу Низом талабларини бузилишида айбдор бўлган фермер ва ширкат хўжаликлари, «Ўзагромашсервис» уюшмаси МТПлари ва хизмат кўрсатувчи тижорат банклари бўлим раҳбарлари ҳамда масъул ходимлари Ўзбекистон Республикасининг Маъмурий жавобгарлик тўғрисидаги ва Жиноят кодексларига мувофиқ жавобгарликка тортиладилар.

Марказий банк Раиси биринчи ўринбосари М. ЖУМАГЕЛДИЕВ

Жамғарма директори С. АБДУЛЛАЕВ

«Ўзагромашсервис» Уюшмаси раиси Ш. НИШАНОВ

АТ «Пахтабанк» Бошқаруви раиси К. ТОШМАТОВ

«Ўздонмахсулот» ДАК раиси И. НАЖМИДДИНОВ

АТ «Ғаллабанк» Бошқаруви раиси И. ЎРИНБОЕВ

* 2-илова берилмайди.

«Ўзағромашсервис» уюшмаси МТПларининг 2004 йил ғалла ҳосилини ўриш бўйича кўрсатган хизматлари ҳақини тўлаш тартиби тўғрисидаги низомга
1-ИЛОВА

3 нусхада тўлдирилади
1 нусха бажарувчига
1 нусха буюртмачига
1 нусха банкга тўлов талабнома қўйишга

Бажарувчи: _____ туман МТП АЖ
Буюртмачи: _____ хўжалиги
номи фермер, ширкат
_____ кўрғон

2004 йил «___» _____
№ _____ сонли шартномага асосан бажарилган иш (хизмат)лар бўйича

ДАЛОЛАТНОМА № _____ 2004 йил «___» _____

Бажарилган иш тури	Техникани		Ғалла ўрилган майдон (га)	Бир гектар ғалла майдонини ўриш баҳоси, сўм	Жами суммаси, минг сўм
	русуми	Завод рақами			
Ғалла ўриш					
Жами:					

Тўланиши керак бўлган сумма _____
(сумма сўз билан ёзилади)

Дизел ёқилғиси сарфи буюртмачи ҳисобидан _____ литр, _____
(сумма сўз билан)

2004 йилни «___» _____ ҳолатига _____ сўм _____ ширкат (фермер) хўжалигининг МТПдан бўлган _____ минг сўм қарзини (ҳақини) ҳисобга олган ҳолда жами _____ минг сўм (_____)
(сумма сўз билан ёзилади)

_____ тўлаб беришга келишилди.

Бажарувчи:

_____ туман МТП ОАЖ
Бошқарув раиси _____ (Ф.И.Ш) _____ (ИМЗО)
Бош ҳисобчи _____ (Ф.И.Ш) _____ (ИМЗО)
Оператор _____ (Ф.И.Ш) _____ (ИМЗО)
М.Ў.

Буюртмачи:

_____ ширкат (фермер)
Хўжалик раҳбари _____ (Ф.И.Ш) _____ (ИМЗО)
Бош ҳисобчи _____ (Ф.И.Ш) _____ (ИМЗО)
М.Ў.

Ўзбекистон Республикаси
Адлия вазирлиги маълум қилади:
вазирликлар, давлат қўмиталари ва идораларининг
умумий мажбурий тусдаги меъёрий ҳужжатларини давлат
рўйхатидан ўтказиш ҳолати тўғрисида
2004 йил 11 июндан 18 июнгача бўлган маълумот

I. Давлат рўйхатидан ўтказилди:

1. «Энг қулай режим яратган ҳолда савдо-иқтисодий ҳамкорлик битимлари им-
золанган малакатлар рўйхатига қўшимча киритиш тўғрисида» *Ўзбекистон Респуб-
ликаси Ташқи иқтисодий алоқалар агентлиги, Молия вазирлиги, Давлат бож-
хона қўмитасининг 2004 йил 29 апрелдаги НН-01/10-1693, 71, 01-02/1-25-сон*
қарори.

2004 йил 14 июнда 426-3-сон билан рўйхатдан ўтказилди (2004 йил
24 июндан кучга киради).

2. «Ўзбекистон Республикаси Ташқи иқтисодий алоқалар вазирлигида Ўзбекис-
тон Республикаси хўжалик юритувчи субъектлари томонидан тузиладиган бартер
контрактлари (шартнома, битимлари)ни рўйхатга олиш тартиби тўғрисидаги низомга
ўзгартиришлар китириш ҳақида» *Ўзбекистон Республикаси Ташқи иқтисод-
ий алоқалар агентлиги, Молия вазирлиги, Давлат божхона қўмитасининг*
2004 йил 5 майдаги НН-01/10-1325, 72, 01-02/19-26-сон қарори.

2004 йил 14 июнда 989-1-сон билан рўйхатдан ўтказилди (2004 йил
24 июндан кучга киради).

3. «Монопол маҳсулотлар, хом аше ва материалларни биржа ва кимосди сав-
доларига қўйилишини назорат ва мониторинг қилиш тўғрисида низомни тасдиқлаш
ҳақида» *Ўзбекистон Республикаси Монополиядан чиқариш ва рақобатни ривож-
лантириш давлат қўмитасининг 2004 йил 11 майдаги 5-сон қарори.*

2004 йил 14 июнда 1369-сон билан рўйхатдан ўтказилди (2004 йил
24 июндан кучга киради).

4. «Қимматли қоғозлар бозорида андеррайтинг фаолияти тўғрисидаги низомга
ўзгартириш ва қўшимчалар киритиш ҳақида» *Ўзбекистон Республикаси Давлат*
мулки қўмитаси ҳузуридаги Қимматли қоғозлар бозори фаолиятини мувофиқ-
лаштириш ва назорат қилиш маркази бош директорининг 2004 йил 3 июндаги
2004-10-сон буйруғи.

2004 йил 14 июнда 860-1-сон билан рўйхатдан ўтказилди (2004 йил
24 июндан кучга киради).

5. «Оилавий болалар уйи тўғрисида низомни тасдиқлаш ҳақида» *Ўзбекистон*
Республикаси Халқ таълими вазирининг 2004 йил 17 июндаги 125-сон буйруғи.

2004 йил 17 июнда 1370-сон билан рўйхатдан ўтказилди (2004 йил
27 июндан кучга киради).

6. «Ўзағромашсервис» уюшмаси МТПларининг 2004 йил ғалла ҳосилини ўриш

бўйича кўрсатган хизматлари ҳақини тўлаш тартиби тўғрисида низомни тасдиқлаш ҳақида» *Ўзбекистон Республикаси Иқтисодиёт вазирлиги, Молия вазирлигининг 2004 йил 31 майдаги 34, 79-сон қарори.*

2004 йил 18 июнда 1371-сон билан рўйхатдан ўтказилди (2004 йил 28 июндан кучга киради).

II. Давлат реестридан чиқарилди:

1. Давлат мулки негизида ташкил этилган акциядорлик жамиятларинининг акциялар пакетларини тартибга солиниши муносабати билан уларнинг устав фондларини қайта ҳисоблаш услубиёти (1998 йил 27 март, рўйхат рақами 413). *Ўзбекистон Республикаси Давлат мулки қўмитаси томонидан тасдиқланган.*

Адлия вазирининг 2004 йил 14 июндаги 135-мҳ-сон буйруғи билан реестрдан чиқарилди.

2. Юридик ва жисмоний шахслар томонидан истеъмол товарларини олиб келиш ва сотиш тартиби тўғрисида низом (2002 йил 31 август, рўйхат рақами 1169). *Ўзбекистон Республикаси Давлат солиқ қўмитаси, Давлат божхона қўмитаси томонидан тасдиқланган.*

Адлия вазирининг 2004 йил 14 июндаги 138-мҳ-сон буйруғи билан реестрдан чиқарилди.

Мазкур ҳужжатлар амалдаги қонунчиликка ўзгартиришлар киритилиши муносабати билан давлат реестридан чиқарилди.

Адлия вазирлиги томонидан давлат рўйхатидан ўтказишнинг белгиланган тартибига зид равишда амал қилаётган меъёрий ҳужжат аниқланди:

1. *Ўзбекистон Республикаси Молия вазирлиги, Давлат солиқ қўмитаси (13/1-9936-сон), «Ўзбекнаво» гастроль-концерт бирлашмасининг (БА-22-сон) 2003 йил декабрдаги қўшма хати.*

Давлат рўйхатидан ўтказилмаган меъёрий ҳужжатлар кучга кирмаган ҳужжат сифатида ҳуқуқий оқибатларга олиб келмайди ҳамда тегишли ҳуқуқий муносабатларни тартибга солиш, ундаги кўрсатмалар бажарилмаганлиги учун фуқаролар, мансабдор шахслар, корхона ва ташкилотларга бирор-бир жазо қўллаш учун асос бўлиб хизмат қилмайди. Юқорида кўрсатилган меъёрий ҳужжат бўйича Адлия вазирлиги томонидан тегишли вазирлик ва идораларга ушбу ҳужжатни бекор қилиш ва ижродан чақириб олиш тўғрисида тақдимнома киритилди.

